

Rs. 20.00

Revi
LALIT
d e k l a s
Enn Piblikasyon Lagazet Lalit deklas

No. **120**
SEPT-OKTOB
2015

EDITORIAL


MISSION STATEMENT JUGNAUTH: DEKONEKTE AR REALITE.....3

***DOSYE: KAN BANN SWADIZAN 'PRO-EKOLOZI'
ANFET FORM PARTI PROBLEM EKOLOZI..... 5***

JABALJAS & BULBAK..... 23

**ENN KRITIK MINIS DOOKUN SO PLAN
9 YEAR SCHOOLING19**

***MITASYON EKONOMIK EK ZEOGRAFIK:
ENN NUVO ZEOGRAFI EKONOMIK?..27***



KAMPAYN PERSISTAN LALIT LOR LETAN

DOSYE ID CARD.....16

KESTYON LADROG25

CHAGOS-DIEGO9

KONTENI

Nimero 120

Sep-Okt 2015

EDITORIAL: "Mission Statement" Jugnauth: Dekonekte ar Realite	3
Lefe Neo-Liberalism lor Institisyon apel "Parti Politik"	4
Jabaljas & Bulbak	4
DOSYE FOS EKOLOZIST	
Kan Bann Swadizan "Pro-EKoloji" anfet Form Parti Problem Ekoloji	5
Lager Inter-Kapitalist atraver O.N.G. "ekolozis" interpoze	7
Apre Smart Cities, Smart Agriculture?	7
Greenpeace: Kimanyer li ti tom dan Pyez Britanik, e Chagos Conservation Trust enn O.N.G. "dan" Leta Britanik	8
<i>Who's Who</i> dan Chagos Conservation Trust	9
DOSYE DIEGO GARCIA and CHAGOS	
Let Uver a Olivier Bancoult lor Kestyoner Let Britanik	9
Road Map ki LALIT propoze lor Kestyon Diego	11
Depans Militer Mondyal: USA ladan	11
Gran Proporsyon Kapital depi Deor (FDI) dan Spekilasyon Fonsye	12
LALIT so program pu enn Lekonomi Alternatif	12
IRS Compagnie Mont Choisy, dirab?	12
INFO INFO:	
Fim Klib	12
Nuvo Kur Literasi	12
DOSYE I.D. Kard	
Manifestasyon LALIT provok Lanons Guvernman Anplas-Anplas	13
Premye Let LALIT a Data Protection Commissioner	14
Dezyem Let LALIT a Data Protection Commissioner	16
40 Aksyon LALIT ansam ar Lezot Lorganizasyon	18
Minis Ledikasyon Dookun so Plan Nine-Year-Schooling	19
Rejoinder to L'Express on the Kreol Language Issue	21
Jabaljas & Bulbak	23
Ekrulman Lanpir B.A.I. kontinye	24
Lor Ladrog: Kanpayn Persistan lor Letan ki LALIT inn Amene kumans Pran Partu....	25
LALIT an Aksyon	26
Mitasyon: Ver Enn Nuvo Zeografi Ekonomik?	27
Fas-a Guvernman Lepep: Ki Lopoziyon pu Emerze? Anterm Klas ek Parti	29
Nuvel Depi Rodrig	33
Zedezil: Atlet Kritik Lorganizasyon	34
Evalyasyon Selebrasyon "Omaz a Seg a Tipik"	34
Retablisman Relasyon Diplomatik U.S.A. - Kiba	35
Krash lor Stok Exchennj Lasinn	35
Homage to the Memory of John Percy, Revolutionary	36

Pibliye e inprime par LALIT, 153 Rut Rwayal, GRNW, Port Louis, Repiblik Moris. Pri Rs20/-

www.lalitmauritius.org

208 2132 ek 208 5551

lalitmail@intnet.mu
YouTube Chanel: lalit mauritius
SoundCloud Chanel: lalit mauritius

Mission Statement Jugnauth: Dekonekte ar Realite

Samdi 22 Ut, Premye Minis Aneerood Jugnauth finn prezant so plan *Pu enn 2yem mirak ekonomik* divan enn parter invite: Minis, Depite, etidyan, ek sirtu Patrona Sekter Prive.

Sa plan la finn prezante apre 8 mwa guvernman Lepep opuvwar, e li donn bann indikasyon lor ki kalite devlopman ekonomik zot pe propoze pu prosenn 15 an.

Bann mezir ki finn anonse pa nuvo, deza dan diskur bidze ki ti prezante an Mars, guvernman Lepep ti fini anons bann mezir baze lor sa oryantasyon ekonomik. Bi prinsipal sa lexersis se pu Premye Minis Aneerood Jugnauth rebran so rol lider guvernman Lepep, sirtu apre enn peryod flotman ki karakterize par konfli uver ant Minis diferan konpozan lalyans opuvwar, e par Pravind Jugnauth so kondanasyon prizon pu deli “konfli dintere”. Ondire ti ena tro buku kapitenn lor bato Lalyans Lepep, enn kote, e SAJ, malgre so laz, finn oblize rebran so rol kapitenn, parski Pravind Jugnauth pa finn kapav pran kuma previ.

Kapitenn Sekter Prive

Me SAJ so diskur fer apel plizyer fwa a lezot “kapitenn”, dan sekter prive, pu so *2yem mirak ekonomik vizyon 2030*. Enn plan ki pa pran kont ditu kriz sistemik ki Moris pe traverse apre demantelman marse proteze pu disik ek tekstil. Diskur la pa adres problem konsernan nu depandans lor inportasyon alimanter, kot plis ki 75% seki nu konsome pe inporte. Diskur la pa pran kont kriz dan Lerop ek so lefe

lor sekter kuma ICT/BPO ek Turism. E sirtu, avek krash laburs Lasinn le 24 Ut, tu problem ki sorti dan “luvertir” lekonomi pe agrave plis ankor.

Aneerood Jugnauth finn sirtu adres so diskur a kapitenn sekter prive. Li pe asir zot ki nepli pu ena “demokratizasyon lekonomi”. Li pu zafer ant li (Napoleon) ek gran patron, direk-direk. Parey kuma Jugnauth inn demantel lanpir ekonomik sa burzwazi deta Travayist (Betamax, Ah-Teck, Gooljaury-Soornack, BAI ek Rawat), li pe donn lasirans ki asterla li pu gayn zafer ar burzwazi istorik an-personn. Anpasan, burzwazi finn reyni dan enn nuvo lorganizasyon ki amalgam ansam MEF ek JEC, apel *Business Mauritius*. Sirman sa ki pu zwenn SAJ regilyerman.

Antuka, SAJ finn lir enn diskur 45 minit pu rasilir patrona Sekter Prive ki so Guvernman pu fasilite e akseler tu zot proze kot pe viz pu kreasyon 100,000 anplwa dan prosenn 5 an. Me, lamwatye investisman depann lor FDI, e sityasyon internasyonal pa tro bon, alor li enn prozeksyon inpe imaziner. Dapre sa plan la, sekter prive pe investi 183 milyar rupi e ladan plis ki Rs167 milyar rupi pu al dan proze *Smart Cities* e lezot devlopman fonsye. Savedir investisman masif, ki pu detrir par milye arpan later agrikol an esanz pu kreasyon lanplwa ki sirtu asir konfor dimunn ris, setadir anplwa domestik e para-domestik. Dan enn premye tan, lanplwa pu dan sekter konstriksyon ziska sayt ferme, lerla kapav pu ena

lanplwa pu zardinye, gardyin ek anplwayed mezon. Plan la usi koz lor kreasyon lanplwa dan bann lezot proze ki pu devlope otur Lepor, sekter Manifaktiryey, ICT-BPO, Lekonomi Losean, Servis Finansye, Ledikasyon ek Lasante san ki definir ki kalite lanplwa pe kree. Pena okenn propozisyon lor kimanyer sorti depi kriz sekter disik, lor kimanyer kapav devlop later agrikol pu prodiksyon alimanter lor gran lesel. Pena okenn propozisyon lor devlopman bann lindistri pu prezerv/transform prodwi alimantasyon.

Destriksyon Later Agrikol

Onivo LALIT nu truve ki kriz ekonomik li responsab pu agravyasyon kriz sosyal an zeneral dan pei e sirtu onivo lakanpayn. Avek kriz dan Lindistri Sikriyer, Guvernman apre Guvernman, ansam avek patrona, finn responsab pu destriksyon par milye anplwa atraver plan Blueprint, VRS1 ek VRS2. Lanplwa stab finn ranplase avek lanplwa preker dan sa enn-de sekter ki finn inplant zot. *Shopping Mall* ansam ar proze IRS ek ERS pe fer odetriman gran siperfisi later agrikol e sa pu anpire avek proze *Smart Cities* ek lezot devlopman fonsye. Sa disparisyon anplwa agrikol, e mem tekstil dan vilaz, finn provok enn kriz sosyal dan landrwa riral, ki byin grav.

Kriz sosyal finn agrave, sirtu onivo lakanpayn e sa kriz la karakterize par lager dan lafamiy, krim, vyol ek vol ki pe ogmante de zur an zur. Anmemtan, kriz sosyal ena osi so lefe dan Lavil kan bann

aktivite ti-komers an kriz. Ena konfli permanan ant timarsan ek propriyete magazin ek latab bazar. Plizyer ti-komers pe ferme dan lavil ek aktivite komersyal pe shifte ver bann Shopping Mall ki truv dan bann landrwa izole andeor lavil. Ena osi enn exod profesyonel, depi lavil ziska bann zonn rezidansyel byin barikade dan bordir lakanpayn ek lakot. Onivo LALIT nu kalifye sa sanzman la kuma enn *nuvo zeografi ekonomik* ki pe transform Moris.

Lopozisyon Parlmanter San-Busol

Fas a sa sityasyon la, nu truv ki ena enn lopozisyon Parlmanter afebli, diskredite, divize ek san-

busol, me ki anmemtan dakor avek sa kalite devlopman akoz li anliyn avek seki burzwazi ule. Bann reprezantan sindikal ki ti prezan Ebene pu diskur Aneerood Jugnauth usi paret satisfese ar sa diskur la. Rashid Imrith truv gran lavantaz pu travayer servis sivil, kan anfet sa 7,000 pos vakan la, ti oredi pa vakan.

Kan nu truv ki kantite milyar rupi pe investi dan seki patrona pe interese, nu truv li grav ki Gvernman Lepep pa finn truv nesese alwe larzan dan enn devlopman modern axe lor servi later dan enn fason prodiktif baze lor enn program diversifikasyon. Sa kalite devlopman ti pu kree

kalite lanplwa ki dimunn bizin, asir sekirite alimanter, ek tir presyon lor deviz.

Mobilize pu enn Lekonomi Alternativ

Dan LALIT nu truv li nesese pu kontiyn nu kanpayn mobilizasyon *Pu enn Lekonomi Alternativ* e pu amenn kanpayn pu enn veritab reform agrer pu ki lamas dimunn ena kontrol demokratik lor later e ki pu prodwir.

31 Ut, 2015

Lefe Neo-Liberalism lor institisyon apel "Parti Politik"

Dan lepok neo-liberal, kot sistem kapitalis pe reyne avek lapeti, ena enn inkoerans remarkab dan bann parti politik santris ek santgos.

Alor, dan Moris, nu truv debandad total kote MSM (li pena mem enn lidship koeran), MMM (li pe fragmante, e pena okenn koezyon anterm lide), ek Travayis (ki an lanbo, total).

Par kont, PMSD, ki depi tultan finn enn parti de-drwat, sa sityasyon kot neo-liberalism pe reyne for-for, rann li sel parti meynstriym ki koeran. E, li klerman pe expand, e pran koerans.

Sel lot parti politik ki koeran, e seki konsistan dan opoz kapitalism, se anfet nu parti LALIT, mem si nu pe oblize dir li nu-mem. LALIT, li koeran e li pa finn ditu afebli. Okontr, so listwar donn li enn momenntum.

Lezot ki pe ratis larz ki deklor zot-mem agos, kuma Rezistans ek Bann Bizlall, zot inkoeran net: zot parti kapav *kont* Kart ID biometrik, me aliyn kandida ki pa zis *an-faver* Kart ID biometrik me li dir bann seki *kont*, zot isterik; zot sipoze ar travayer, me zot truv kapitalis pa an-kontradiksyon ar sosyalism! Zot pretann zot de-gos, me zot pa ezite pu flat "propriete prive" san distinksyon diferan kalite propriete prive.



Desin Georges Grosz, *Dimunn lavil*

KAN BANN SWADIZAN “PRO-EKOLOZI”

ANFET FORM PARTI PROBLEM EKOLOZI

Nu tu finn remark enn ta reklam TV ki flat kontribisyon bann swadizan “pro-ekoloji”, ki anfet gran, gran multi-nasyonal petrolyom, pe fer, kan anfet zot-mem pli gran responsab dezast ekolojik. E nu tu zis sakuy nu latet, res san-konpran; kimanyer dimunn kapav osi sinik ki sa, nu panse? Kimanyer zot kapav deklar “ver”, deklar “konserv lanvironnman”, kan zot-mem pe kareman detrir li divan nu lizeye? Kimanyer zot andeor kontrol sosyal, kontrol demokratik, net? Telman zot andeor kontrol sosyal, zot kapav pey reklam pu sponnsor “ekoloji”! E zot krwar nu pu manz sa bul la. E, trazed li la: suvan nu manz sa bul lammem. Fode pa nu kontan ki zot kuyonn nu, selman!

Bann pwin baskile

Wi, nu mama bul later li dan enn linpas ekolojik grav. Kriz ekoloji li deza la, la, la. Tu kalite “*tipping points*” ubyin “pwin baskile” deza ar nu. Kan depas sertin sey, lerla ena bann sanzman drastik ki swiv, kuma gayne dan shimi, kot enn dernye gut enn sibstans kapav provok enn sanzman zeneralize dan lot sibstans ki pa ti paret pe afekte avan sa dernye gut la. Lezot pwin baskile pe aproz byin vit. Sa klima extra-ordiner ki ziska ler finn permet nu planet respire osi byin, li menase ar enn dezord inprevizib. Alor, li grav. Preske totalite tu syantis kone ki li kumsa.

E, anmemtan, ena tu kalite lorganizasyon pwisan ki niye ki ena enn problem. Ena ki kareman niye ki sanzman klima (swit-a lefe bril delwil, sarbon, lesans, par exanp) enn posibilite. Zot niye. Lezot, kuma sa bann gran, gran multi-nasyonal petrolyom, zot niye nesessite *sanzman politik*, zot

niye nesessite ranvers sistem kapitalis, si pu kapav ranvers sa dezast ekolojik ki pe get nu la. E zot, zot vinn pretann zot form parti “solisyon”, kan zot-mem, zot anfet problem la – zot ek zot form lorganizasyon yerarsik, birokratik ek anti-demokratik, antan ki konpayni kapitalist. E sa li enn gran danze.

Ant bann ki niye kategorikman ek bann ki prefer pa niye kategorikman, me niye sanzman sosyo-politik ki *neseser* pu evit sa danze la, setadir niye nesessite enn refont *sosyo-politik* pu ki imin kapav kontrol sa destriksyon debride ki konpayni multi-nasyonal pe fer, ena enn *continuum*, setadir enn gradasyon tu kalite diferan grup ki niye dan enn fason ubyin lot. Ena bann ti-tutu pu kapitalist, ena oportunist, ena ki avar larzan sa bann multi-nasyonal pu zot resers, ubyin ule zot larzan antan ki sponnsor pu spor ubyin lar, ena ki saritab e ki pa gete kot larzan sorti, ena ONG ki swaf larzan CSR, ena konpayni prive dan domenn “*green business*” ki krwar dan krwasans kapitalist avek enn tilez “ver” lor la, ena konpayni labank, lotel, lizinn ki finn rekonverti an aktivist swadizan “pro-ekoloji”. Me, seki zot tu ena an-komin, se zot niye lefet ki ena sertin striktir sosyal (an-okirans bann konpayni rule lor lozik kapitalist) ki pa zis permet destriksyon prosesis metabolism natirel lor planet later, me ki, zot-mem, perpetre destriksyon nu bul later dan enn fason absoliman debride.

MCB deklar gran “ekolojist”

Moris nu ena enn ta sa bann nuvo sanse “ekolojis”. Premye lexanp, se patron MCB (mama tu kapitalist Moris) ki li, li pe

finans enn festival ekoloji-lar. Pa zis MCB pe finans li, me li pe *organiz* sa *The Eco-Bridge Tamarin Arts Festival* ki pe fer mwa prosen. Lafami Jhuboo (ki ena depite Travayist, ki ena Gran Met Fran Mason, ek gran proprieter tablisman Tamarin) ek zot grup Lotel apel Trimetys, pe rul sa festival la, otur zot prop “Smart City” ki zot pe anvizaze. Anmemtan, zot finn aste lotel lot kote larivyer Tamarin, anmemtan zot pe rod devye sime pu ogmant zot later kote lamer.

Alor, ki nu truve dan Konferans de Pres pu lans sa Festival la? Anthony Withers, CEO MCB anpersonn, akote enn M. Jhuboo, direkter zot bann Lotel, avek Minister Lar ek Kiltir kuma enn figiran ladan, e zot tu pe ekut CEO ki zot finn nome pu evennman la, M. Sebastien Sauvage. Kisannla li ete, li? Li enn port-parol Eco-Sud, enn sa bann muvman “ekolojist” pro-kapitalist la, ek li enn port parol parti swadizan de-gos, Rezistans ek Alternatif.

Lotel Preskil ek Astroea finans Eco-Sud

Eco-Sud, ansam ek Rezistans, pe diriz kanpayn kont nuvo lotel La Cambuse prekot Mahebourg, lor baz li pu afekte lekoloji sansib *Park Marin Blue Bay*. Vremem lindistri lotel, inklir nuvo lotel, osi byin ki tablisman laba, pe rwinn lagon.

Me, seki supsonab se Eco-Sud, li osi, li sponsorize par sef kapitalist Moris, MCB. E pli grav, Eco-Sud sponsorize par Grup Lotel Croix du Sud (Preskil Beach Hotel ek Astroea Beach) ki, zot osi, pe afekte lekoloji sansib *Park Marin Blue Bay*. Me, zot pe donn larzan Eco-Sud, zot. E, kumsi par azar, La Cambuse pu enn konpetiter direk pu sa 2 sponnsor Eco-Sud.

(Si, u pa krwar ki zot peye par bann lotel laba, u ena zis pu vizit websayt Eco-Sud; zot fyer de sa.) Alor, nu gayn bann lotel ki responsab degradasyon lagon dan Sid-Es Moris pe sponnsor enn “movement” kont enn konpetiter. E, nu ena bann ki responsab rwinn “wetlands” Tamarin pe rul enn Festival Lar-Ekoloji! Sa Festival la gayn enn ponpaz inkriwayab depi bann zurnalist. Kumadir, zot ekrir lor la kumsi finn lwe zot pu flat evennman la e so bann zanti organizater. Plis ki enn reklam peye. E bi organizater, ki li ete? Pu inplik osi buku artis ki zot kapav, su slogan kareman pro-koripsyon: “*Artists need support!*” Normal, artis bizin sutyin. Me, pa depi bann konpayni ki pe dominn lepep, enn kote, ek rwinn lanvironnman, lot kote. Alor, tandi ki lontan bann sponnsor ti ena enn ti-logo anba lor program evennman la, asterla, ep! zot mem, zot gran misye CEO e zot gran-misye tablistan, limem rul evennman la! Zot rul li pu *kuyonn* nu. Zot mem pran enn port-parol enn parti swadizan degos pu met an-pratik zot plan “ekolojik”.

Retur a patronaz feodal?

Si artis pa kumans mefye sa kalite nuvo *deriv*, nu pu return ar patronaz depi “Lerwa-Larenn” kuma dan Mwayenn Az, e tu sa demokratizasyon ki nu finn reysi etabli dan dernye, dizon 100 an, pu balye. Liberte dexpresyon pu artis pu depann lor Gran Misye MCB. Li vo lapenn mansyone ki tu anplwaye, tu travayer kot MCB, depi lao ziska anba, zot pa mem gayn drwa gard zot larzan (lapey ubyin lezot rant) dan enn institisyon apar MCB. Antuka, li danzere pu permet bann sef dan polye pei, e dan dominn lepep enn pei, rul muvman ekoloji dan pei la. Sa kalite “niye” problem ekoloji pu fini mal. Ondire perpetrater pe deklar geriser. Kuma ti abitye dir lontan, fode pa artis ek ekolojis donn dile serpan.

Pa Premye Fwa dan Listwar ki Kapitalist Moris dan Lavangard Explwatasyon

Plantasyon kann ek mulin disik Moris ti parmi bann premye “model” pu seki sosyolojist apel “lorganizasyon sosyal dan travay” su sistem kapitalist. Sa model la finn servi par bann lizinn koton dan Langleter, kot dinamism Revolisyon Indistriyel (selman 250 an desela) ti asir enn priz puvwar Leta par bann kapitalist. Lerla ki gayn reyn “demokrasi burzwa” ki ranplas reyn feodal ki ti existe 5,000 an desela, isi-laba lor bul later.

Seki nuvo ar kapitalism kuma enn sistem, e li konsern kestyon ekoloji kom tel osi byin ki lorganizasyon sosyal ki pe permet destriksyon lanatir, e seki pa ti existe pandan bann reyn feodal, ni natirelman dan sa lot 100,000 an ki imin ti viv an-armoni ar lanatir, se sa: li finn kas metabolism natirel tu kreatir vivan, anrelasyon ar zot kamarad e an-relasyon ar ler, dilo ek lezot matyer non-vivan, e anmemtan finn kas lyin ant imin ek so prop kuraz. Zot finn reysi fer sa par enn dub-atak:

1) Bann kapitalist finn pran pozasyon later an-komin par ferm seki an Angle apel “*the commons*” e konverti sa later an-komin la an enn “marsandiz”, mem enn form kapital, ki ena valer larzan, e finn servi sa monopol lor later, zot kontrol lor tu kreatir lor later, so ler, so larivyer, so lak, tu so matyer brit, lamer net kuma “free goods” – setadir, kapitalist zis pran tusala, servi, mem si li epwize, mem si li kree dezord ekolojik, mem si li sem larwinn total, e mem si li detrir nu mama bul later nuriser net. Li pa mem gard kontabilite lor la.

2) Bann kapitalist, anmemtan, etan done zot fini lasas *la grande masse* imin depi later nuriser, zot prosed a pran kontrol lor nu “kuraz” (lafors nu travay intelektuel-ek-manyel, anfet nu

kreativite), ki zot aste rupi-ertan ar nu – pu ki plitar zot vann “marsandiz” ki sa kuraz la kree *pu zot*. E nu “kuraz”, limem, li vinn enn marsandiz ki aste-vande lor marse. Bann imans nomb imin redwir, kumsa, a stati bann sinp masinn. Bann imans nomb imin truv zot oblize vann zot prop kuraz, innyoran byin suvan lor seki zot pe fer lor sayt travay, e sertenman san drwa refiz fer travay ki donn zot pu fer. Sa li definisyon enn esklav. Sa obligasyon travay, li evidan parski nu finn bani depi later ki nuri tu kreatir, inklir imin. Nu “kuraz”, alor, li fraktire depi nu puvwar decide ki nu pe fer ar nu ertan lavi, ar nu kuraz. Avan sa (e petet dan lavenir, kan nu demerd nu de sa restan esklavaz la) imin ti bann kreatir antye, avek puvwar decide ki nu pe ubyin pu fer, avek kapasite fonksyone kuma enn *kreatir natirel anmemtan ki dan lanatir* dan enn proses metabolik natirel pandan 95% nu letan lor later, setadir o-pli minimem 100,000 banane. Samem ki ti ule dir nu, totalite imin, ti form parti dan sa ekoloji la.

Kontribisyon Karl Marx dan sa size la, kuma John Bellamy Foster explike dan so long liv *Marx's Ecology* e kuma li dir ansam ek 2 lezot oter dan zot liv *The Ecological Rift*, se pu truv lyin ant sa 2 form fraktir: kas ekoloji natirel, e kas imin depi so prop kuraz.

Ki lalit divan nu?

Kumsa ki nu truve ki lalit pu “ekoloji”, li intiman liye ar lalit kont sa sistem kapitalist ki enn sistem sosyal ki rann li inposib pu lamas imin, ansam, protez lanvironnman. Bann kapitalist – MCB, bann Jhuboo, proprieter tu sa bann lotel ansyin ek nuvo – prezizeman parski mod operasyon kapitalist li kumsa, zot form parti dan problem la. Zot napa zame kapav form parti dan “solisyon”. Alor, li inportan ki nu evit tom dan zot pyez.

PROZE LA CHAUMIERE EK CT POWER Lager inter-kapitalis atraver O.N.G. "ekolozis" interpoze

La Chaumiere

Avek kriz ekonomik, keस्थ्यon "ekoloji" finn vinn enn pyon ki kapitalis servi dan zot lager ant zot mem, byin suvan zot servi li pu sey stop "proze" enn rival. Kapitalis servi so kapital kareman pu finans ONG sipozeman "ekolojik" pu opoz proze ki zot anvi bare, pu ki zot avans zot prop proze pu profi. Dan Moris, nu finn truv sa arive byin uvertman. Ala enn prev: Dan enn intervyyu, Jean-Pierre Hardy, ansyin konseye ex-Premye Minis Ramgoolam, ti dir li kareman dan kontext proze La Chaumiere Gamma-Covanta, kot enn seksyon kapitalist (bann tablisman ek IRS) ti pe opoz proze bril salte pu fer lenerzi, ki enn lot seksyon (bann Ah-Teck ti pe lanse): *"L'Etat propose que le budget de Corporate Social Responsibility (CSR) des compagnies qui font des profits passe de 1% à 2%. Cet argent n'est-il pas destiné à financer des ONG qui luttent pour des causes qu'ils considèrent valables? Pourquoi tirer à boulets rouges sur des ONG qui montrent une certaine efficacité à travailler? Et si l'argent vient du secteur privé, est-ce un péché?"* (...) *A la question de 'kisannla ki pe finans zot?', je reponds, 'And so what?'"* (L'Express 2 June, 2009).

Li ti dir sa dan kad lopozişyon a proze insinerater La Chaumiere Gamma-Covanta, enn lopozişyon ki ti finanse ek sutenir par tablisman ek grup kapitalis dan lotelri. Sa proze-la ti zenn zot biznes IRS ek lotelri.

Tablisman ek Lotel v.s. CT Power

Nu finn truv mem zafer kote proze prodikşyon lenerzi atraver sarbon CT Power dan Pointe aux Caves, Albion. Tablisman Medine ki ti pe opoz sa proze-la pa zis finn siyn enn kontra IPP avek CEB pu li furni li elektrisite, me li finn osi dakor pu donn guvernman later pu konstrir enn santral termik ki rule ar sarbon lor enn baz permanan! Daniel Giraud, direkter Medine an Me 2012 finn mem deklare publikman: *"Médine est disposée à offrir des terres que le gouvernement veut obtenir et qui se trouvent tout près de l'usine sucrière", du fait que le pays aura besoin de ressources énergétiques assez rapidement. "Je tiens à préciser que ce n'est pas Médine qui est derrière le projet de cette centrale thermique à base de charbon. Mais sans elle, nous serons à court d'électricité. Je sais que le gouvernement veut construire trois centrales de 100 mégawatts dans le temps. Si le charbon est choisi, c'est que chaque pays vit selon ses moyens",* ajoute Dany Giraud (Le Defimedia 6 Me, 2012).

Tandans dominan muvman lopozişyon "sitwayin" kont CT Power spesifikman pa ti pe remet an-keस्थ्यon sa trale kontra IPP ki finn siyne avek diferan tablisman ki rule swa an-permanans, swa parsyelman avek sarbon. Si vremem zot ti pran traka polisyon par sarbon, zot ti bizin remet ankeस्थ्यon tu prodikşyon lenerzi ki servi sarbon, nerport kot li ete.

Ramgoolam ti pe sutenir kapitalis deryer CT Power, ek MMM ti pe sutenir kapitalis ki pa ti ule CT Power parski li zenn zot proze kapitalis Medine la. E finalman guvernman Jugnauth-Duval-Collendavellooo finn kas lakor avek CT Power lor enn pwin teknik.

Apre Smart Cities, Smart Agriculture?

Dan mwa Ut, Samb Agrikiltir finn lans so proze *Smart Agriculture*. Pena zis "Smart city", me asterla enn apelasyon kuyoner pu lagrikiltir, osi.

Samb Agrikiltir finn invit planter, Lotorite Regilater, laboratwar prive, konpayni sertifikasyon (sirman pu marse Lerop), serser, ONG ek distribiter prodwi agrikol pu prezan pu diskrit 4 pilye sa nuvo proze la: kad legal, formasyon, sertifikasyon ek komersyalizasyon.

Proze viz pu gid bann planter depi faz lagrikiltir tradisyonel ver enn lagrikiltir "dirab" ki inklir "bio", "organik" ... pu swadizan donn garanti konsomater ki li enn prodwi bio (ubyin sanse bio) atraver donn planter so prodwi "sertifye".



Sketch Picasso pu Guernica

Kifer Samb Agrikiltir? Ki kalite rekiperasyon sa reprezante?

Eski sa "agrikiltir bio" a-la-Samb-Agrikiltir li pa plito enn tantativ pu fasilite ankor plis penetrasyon kapital (mem miltinasyonal) dan sektor agrikol otur ti-prodikşyon manze? Eski pa pe anbrigad ti-planter legim ek ti-elver zaimo dan enn lozik pirman kapitalist, dan kad kontex bes dan zot to profi?

Kan nu byin gete, tu sa bann zoli parol lor "sertifikasyon", "akse a masinn agrikol", "akse a agronom/veteriner", "fasilite lonn depi labank", "kot pu ekul zot prodwi", tusala ekivo kimanyer kapital (sektor prive) pu kapav ena enn kontrol lor ti-planter ek ti-elever.

Greenpeace tom dan pyez Britanik: Chagos Conservation Trust “dan” Leta Britanik

Malerezman buku lorganizasyon ki form parti dan “muvman ekolozi” o-nivo internasyonal, zot ena tandans trov ekolozi dan enn fason dekonekte depi realite antye. Zot trov li kuma enn “single issue”. Suvan zot baz zot plito lor bann “valer” vag ki lor enn program kler. Suvan par expre zot fer tu kalite konsesyon pu satisfere zot bayer-defon, ki pro-kapitalist. Par fwa, zot mem aksepté finans depi surs okilt, e sa surs okilt la ena bi pu anpes lamas dimunn trov realite antye, e pu plito trov tu an but-but. Sa vinn byin danzere. E li montre danze bann ONG, ki pena program politik zeneral.


Greenpeace

Nu pu pran lexanp Greenpeace ek Chagos Conservation Trust (CCT). Sa 2 lorganizasyon la form parti dan muvman pu protez lanvironnman, me get ki pozisyon zot finn arive pran lor Park Marin Chagos.

An 2010, Grand Bretayn dekret enn Park Marin, enn *Marine Protected Area* (MPA) otur Chagos. Li fer Park Marin ki fer abstraksyon proximite baz militer Diego Garcia, e ki inklir tu lezot lil akote Diego. Me, anfet Grand Bretayn ena bann vize ki pa ekolozik ditu. Park Marin Chagos reprezant enn *santaz ekolozik* parski enn Park Marin vedir ki pa pu ena okenn developman ekonomik viyab lor tu lezot lil, apart Diego Garcia, e Grand Bretayn anvi kontiyn fer BIOT reyne dan Chagos, sanki Moris re-inifye, sanki Chagosyin returne.

Asterla, kan nu byin gete, enn Park Marin ki trov akote enn baz militer nikleer, enn baz ki pe prodir par mil tonn dese, par mil tonn polisyon tulezur, sa ti devet enn gran traka pu sa bann lorganizasyon ki protez lanvironnman. Greenpeace li

enn lorganizasyon lanvironman, kimanyer li al tom dan enn pyez osi grosye la? Li pran pozisyon anfaver Park Marin, san gete ki bann impliksasyon Park Marin, san gete kisannla pe ranz enn Park Marin otur zil Chagos. Li pa get tusala. Li vinn “anfaver”. Kan buku lorganizasyon, buku individi inklir LALIT, sakuy Greenpeace par bann let uver internasyonal, lera Greenpeace dusman-dusman kumans sanz inpe so laliyn. Me, pa ase. Li expoz li a perdi kredibilite net. Kimanyer li pa denons baz militer nikleer? Kimanyer li trov pwason pli inportan ki imin, e pa tulde ansam?



Desin Georges Grosz, *Lapes Arpon*

Anfet seki pe arive, larealite deryer sa Park Marin U.K. la, se Guvernman Britanik pe servi kestyon lanvironnman kuma enn mwayin dezespere pu kontinye so kolonizasyon ilegal enn parti Repiblik Moris, e li enn mwayin dezespere pu USA pu kontinye okip militerman baz Diego Garcia.

Greenpeace, anplas li sutenir sa proze inperyalist anti-ekolozi, li ti devet sutenir demand LALIT pu ki UN *International Atomic Energy Agency* inspekte Diego Garcia pu materyel nikleer, sirtu depi ki Trete Pelindaba pu Lafrik san Zarm Nikleer finn vinn an viger an 2009.

Pa zis Greenpeace ki fane.

CCT

Lor so websayt, enn lot lorganizasyon, Chagos Conservation Trust (CCT). Ki li ete, li? Li dir li enn NGO ki okip proteksyon lanvironnman Chagos. E li finn met dibut enn espes rezo. So bann partner dan Chagos Environment Network (CEN) li regroup Chagos Conservation Trust, Coral Cay Conservation, Linnean Society of London, Marine Conservation Society, Pew Charitable Trusts, Royal Botanic Gardens, Kew, Royal Society for the Protection of Birds, Zoological Society of London, Blue Marine Foundation, ek individi kuma Profeser Charles Sheppard depi Liniversite Warwick.

Me, ki li finn anfet fer, sa CCT la? Li finn aktivman sutenir desizyon guvernman Britanik an Avril 2010 pu kree sa Marine Protected Area. Pa zis sa. Zot ena tupe vinn anonse ki zot pena pozisyon lor eski Chagosyin bizin ena drwa return viv lor Chagos. Me zot pa manke pu azute ki bizin etidye linpak negativ ki sa pu kapav ena lor lanvironnman e usi komye risetelment pu kute. Kan u lir zot websayt, u truve kimanyer zot finn mem konsey Guvernman Britanik, e zot anfet paret klerman deryer sa nuvo latak dan form enn Kestyoner a Chagosyin, enn kestyoner ki pe viz pu fer enn referendum ilegal degize. Sa, li enn lexanp, kimanyer “larzan okilt” li definir traze enn ONG.

Anplis, CCT al pli lwinn dan so vande. Li dir ki li pena lopinyon lor kestyon politik ek militer otur Chagos! Eski prezans baz militer enn menas a ekosistem Chagos? Non! zot dir, mem pa otur baz militer Diego Garcia!

Atraver long lalit par lorganizasyon kuma OF, MMM lontan, LALIT, Grup Mandarin, Grup Refizye Chagos, krim UK ek USA finalman expoze.

Wikileaks

Kab Wikileaks finn amenn prev kimanyer lorganizasyon swadizan “ekoloji” inn rant dan pyez, ubyin finn mem form parti dan met pyez Park Marin. Anbasader USA finn avoy enn kab a so sef, ki Wikileaks finn bibliye, pu dir ki sa Park Marin pa plis ki enn riz Britanik pu anpes Chagosyin returne. CCT pe persiste pu asiste Guvernman UK mem apre ki zizman UNCLOS finn ankor enn fwa expoz krim UK.

Sa vedir, li kapav lamod pu deklar “ekolojist”. Li kapav fasil lev larzan pu sertin kalite “ekoloji”. Me, pa tu lorganizasyon, ni tu individi, ki dir zot pe protez lanvironnman pe neserman reyelman fer li. Okontrer. Zot kapav pe travay kont ekoloji-mem, e osi kont lintere limanite-dan-lanatr.

Who’s Who CCT?

Chermenn Chagos Conservation Trust, se Charles Shepard. Li konseye Leta Britanik lor kestyon marinn. Pandan 10 an, li ti travay pu Komiser ansarz Chagos dan Foreign and Commonwealth Office, setadir Minister Zafer Etranze UK. Li enn dekore OBE Laren. Sekreter CCT li Simon Hughes, enn ansyin militer, 18 an servis dan Royal Navy. Trezorye Richard Marin ti mem travay kom Reprezantan Komiser British Indian Ocean Territory (BIOT). Ankor 2 lezot manb, Peter Carr ti dan Komando Royal Marine dan Chagos, e Dr. Colin Clubbe ti ansarz UK Overseas Territories and Conservation Training. So fondater, desede asterla, ti Commander John Topp, enn militer tut long so lavi, mem dan espionaz Britanik, e kuma “British Representativ” lor Diego ant 1984 ek 1987. Li osi, enn OBE. Ala seki nu apel bann fos ekolojist dan so form pli extrem.

DIEGO GARCIA

Let Uver a Olivier Bancoult lor Kestyoner Leta Britanik

Amizir Britanik panike, li pe tir tu kalite plan.

LALIT ti ekrir enn let uver a Group Refizye Chagos
pu averti zot lor nuvo danze.

Ala enn tradiksyon an Kreol. Let orizinal ti an 2 versyon.

Kamarad Olivier Bancoult ek tu manb Komite Lexekitif GRC,

Nu, kuma manb LALIT ek *Muvman Liberasyon Fam*, inn form parti lalit Diego/Chagos pandan pre 40 an. Nu finn konna u personelman, Olivier, depi u ti enn zelev Form I *Lekol Koperativ* – enn sosyete kot nu tule-trwa ti manb ansam. Ansam ek Chagosyin, nu finn konstan dan nu langazman – nu krwar nu ena drwa dir li – pu lite pu redres tu sa krim istorik ki finn swiv sa konplo US-UK pu demantel pei Moris, pu derasinn tu abitan Chagos, pu ki zot met dibut enn baz militer lor sa later ki zot finn kokin e su-lwe ilegalman. E krim istorik finn kontiyne pandan sa 40 an la. Lamer Diego finn rwine par prezans enn baz militer, avek stokaz matyer nukleer, avek servising sumarin nukleer. Zot finn tortir prizonye ilegal laba. Zot finn fer zot “renndering” laba. Ki li UK ubyin US, zot finn koz manti, e re-koz-manti lor la. E Chagosyin finn kontinye viv an exil, Moris inn kontiyne res kase an but, avek enn parti teritwar su lokipasyon militer ilegal. Dimunn ordiner Afghanistan finn truv lamor, kan bom tom lor zot depi avyon sorti Diego Garcia. Fami Bhagdad inn aneanti ar bom depi B-52 ki finn dekole depi Diego Garcia. Chagos finn res enn later andeor kontrol sosyal. Anfet li ti bizin su kontrol sosyal dimunn ordiner kuma u ek nu avek nu nasyonalite Morisyin. Me, anplas sa, li finn su kontrol 2 leta, UK ek US, sanki zot lepep mem kone ki pe pase laba.

Pandan sa long lalit ansam depi sa bann premye lagrev lafin ek manifestasyon, nu (dimunn

kuma nu dan LALIT ek kuma zot, Chagossians, dan sa komba la) finn gradyelman akeyir buku alye. Premye dabor dan Moris. Nu finn ris preske tu dimunn dan pei pu sutenir sa lalit ki ti ase marzinal lontan. Kumansman-kumansman, zis dimunn mizer res Port Louis, deza avek tu traka lamizer ek bagar rasyal, ti sutenir. Organisation Fraternel, muvman fam e parfwa MMM ti sutenir. Dezyeman, depi kumansman-mem ti ena sutyin diplomatik pu Leta Moris lor kestyon eksizyon ilegal Chagos par enn puvwar kolonyal, setadir UK. Sa sutyin la ti exprime, ant ot, dan Nasyon Zini ek Linyon Afrikin (alepok apel OUA), e Muvman Non-Aliyne. Trwazyeman, ti ena buku sutyin depi muvman anti-lager dan tu so form. Katriyeman, dimunn ki reflesi, dabor dan muvman fam internasyonal, lerla intelektuel, zurnalis, artis, ti kumans sutenir sa 3-koz-interliye: kont militarism Diego, anfaver re-inifikasyon Moris, e pu drwa de retur san okenn kondisyon ansam ar veritab reparasyon.

Asterla, an 2015, krim UK ek US finalman expoze – anparti atraver bann ka lakur ki GRC finn mete. Asterla, an 2015, bann lorganizasyon lanvironnman ki finn tom dan pyez UK finn, zot osi, expoze par kab Wikileaks. Asterla, an 2015, UK finn expoze ankor pu so krim atraver zizman UNCLOS.

Etan puvwar inperyalist, UK ek USA, zot rize. Asterla, zot pe konplot zot “Plan B”.

La, ena gran danze. Dime, zot pe rankontre zot manb dan enn Lasanble. Nu pe ekrir sa let la pu fer enn apel piblik a u ek u Komite, kan zot pe diskite



Desin Georges Grosz, *Lager e Kapitalist*

ansam kimanyer fer fas sa nuvo atak anform enn “Kestyoner” – enn kestyoner ki kuma enn grenad degize kuma enn buwe sovtaz ki pu amenn zot dan zot lil natal – pu gard antet, bann prinsip swivan.

- Li imoral e li ilegal pu demanbre enn pei – dan sa ka la Moris – kuma enn kondisyon Lindepandans. Chagosyin anfet Morisyin par nesans, e kuma enn lepep. Nu enn sel lepep. Nu finn separe atraver aksyon Britanik. (Lefet ki Chagosyin ena osi nasyonelite Britanik, akoz voler Chagos finn kokin bann lil avan li derasinn so popilasyon, setadir zot tu ki ti pe viv laba, sa, li pa sanz naryin dan lefet ki zot tuzur Morisyin.) Buku zot alye sutenir zot lor baz sa lalit pu dekolonizasyon. Par exanp, desizyon SADC zis semenn dernye pu sutenir Moris, vedir u drwa de retur pe sutenir – me sann kut la, retur avek u latet ot. Li pu enn defet total si u propoz u manb pu mem konsidere pu travay pu samem BIOT, sa swadizan koloni ki ilegal e ki pa rekonet par person, e ki finn zarm servi par Britanik pu derasinn u depi u lil natal. U bann alye sutenir u, prezizeman parski u viktin sa

kondisyon ilegal Lindepandans enn pei.

- Li imoral e li ilegal pu permt baz militer US kontiye. Li-mem lasurs dimal. Tu u sufrans, tu sufrans tu Chagosyin – nu krwar nu ena drwa dir li – li prezizeman akoz sa baz la. Li pu trazik si u propoz u manb pu mem konsidere travay lor baz. Li pu antrenn sufrans inimizab. Later Chagos, fode li kontrole dan enn fason demokratik par tu Morisyin ek Chagosyin, fode baz la ferme net, fode US peye pu enn “cleanup” su sipervizyon UN, e pu enn rekonversyon a enn fonksyon non-militer pu lavenir. Sa pu sertenman enn surs travay diyn. Rapel ki buku u alye, zot bann dimunn ki kontan lape. Ena Guvernman partu dan Lafrik ki kont baz Amerikin, ena parti politik partu dan lemond ki kont militarism, plis ena lasosyasyon ek muvman anti-lager partu lor bul labor. U bann alye sutenir u parski u kont baz.

- Anmemtan, u bizin reklam drwa de retur, e drwa a veritab reparasyon (osi byin ki reklam depi leta Moris drwa enn kontrol demokratik atraver enn Islands Council), pu ki u retur li dan enn

fason “diyn”. Kan nu dir “diyn” nu ule dir u retur pu fer fyerte tu sa Chagosyin ki nepli ar nu, me ti partisip dan bann lalit byin dir, e pu fer fyerte bann zenerasyon ki pe vini. U bizin refiz rant dan latrap ki UK ek zot alye US pe instale pu u ek tu Chagosyin. Rapel u alye sutenir u parski u finn sibir krim US ek UK, e zot sutenir u parski u finn opoz sa kalite krim la. Si u sumet divan u opreser, ubyin si u konplis ar zot baz militer ek zot BIOT, u pu kup lerb anba lipye u alye, *prezizeman parski zot sutenir u par prinsip.*

Nu santi nu dan enn pozisyon pu fer sa apel ki u, Olivier, ek Komite GRC azir dapre prinsip, u osi, prezizeman parski nu finn travay ansam pandan telman buku lalit. Nu ti ansam dan manifestasyon Bain des Dames ek Cassis. Nu ti ansam dan 3 zur aswiv manifestasyon fam dan lari Port Louis. Nu ti mem 2 dan sa 8 fam ki lapolis ti arete, ti trenn divan lakur, pu manifestasyon ilegal su Public Order Act an 1981. Ansam nu ti preske reysi al Diego Garcia dan bann lane ’90 lor enn bato Greenpeace, me, bato alwe ti al tase dan glason pandan enn misyon zis avan. Ansam nu ti met dibut lekip Rann Nu Diego – ki ti anfet permet Chagos Refugees Committee re-ne depi dan lasann. Nu ti avoy enn delegasyon konzwin GRC-LALIT dan Konferans No Bases dan Mumbai an 2004. Nu travay konzwin pu ralye enn “flotilla” pu al Chagos se anfet seki finn fer Britanik krake, organiz premye vizit Chagosyin a bann lil ki UK finn kokin e US finn okipe.

Nu, apre 40 an lalit ansam ar Chagosyin, fer apel a u, pu rezet “kestyoner” la. Li anfet enn referendum ilegal degize.

Salitasyon,

Ragini Kistnasamy
ek Lindsey Collen,
22 Ut, 2015.

SWIT A REPONS MINIS GAYAN DAN KONFERANS DEPRES 8 UT
ROAD-MAP ki LALIT PROPOZE LOR KESTYON DIEGO

LALIT byin kontan ki finalman Guvernman finn anonse ki Repezantan Maurice UN dan New York, Jagdish Koonjal fini rant an fonksyon, e Guvernman ena lintansyon “relancer les revendications mauriciennes sur les Chagos au niveau des Nations unis” (Le Mauricien 10 Ut). Nu truv li desevan ki zot pe selman dir ki evantyalite al ICJ “ne pas a epargner”. LALIT dir li finn ler pu Leta Moris azir, e li irzan. Tu pu perdi dan enn pros lavenir, si Guvernman pa resezi.

Ler, li grav. Asterla, li kler ki Guvernman Britanik ek USA pe vini ar zot “Plan B” ki zot finn prepare depi lontan, si zot kwinse. E zordi zot kwinse-mem:

- Guvernman Britanik pe sey evins Leta Morisyin depi kestyon Diego ek Chagos, e li pu sey ris maximem manb Kominote Chagosyin ar li.

- Guvernman USA, li pe penetre sosyete Moris, atraver avoy FBI pu antrenn lapolis, atraver finans enn seri ONG pu fer zot kurbe divan Lokipasyon Militer

USA dann enn parti teritwar Moris, donn laburs bonaveni, e zeneralman rant dan tu laspe Leta ek sosyete sivil ki posib, pu ki dimunn abitye ar prezans sivil ek militer enn fors lokipasyon.

Azir avek prinsip!

Dapre LALIT, li enn moman pu azir politikman, avek prezizyon, prinsip e dan kad enn stratezi pu gayn sutyin o-nivo internasyonal – par enn konba kont kolonizasyon, militarizasyon, ek anfafer drwa de retur Chagosyin.

Nu finn, dan LALIT, pran pozisyon an publik 4 fwa depi nuvo Guvernman opuvwar, pu atir latansyon lor lefet ki zot pe drame. Me, zot pe kontiyn drame.

Lider Lopoziyon, Paul Bérenger, pe fer apel pu Komite Parlamter zwenn; klerman li realize ki Guvernman pu responsab pu perdi Diego Garcia ek Chagos net, si li pa buz vit.

Ala lalist 4 fwa ki LALIT finn pran pozisyon publik, atraver

swa Kominike ubyin Let Uver.

1. 22 Desam, 2014 – Let LALIT a Minis Zafer Etranze Hon Sinatambou, pu fer apel, ant ot, pu Guvernman al ICJ pu enn “Advisory Opinion”, swit a enn Rezolisyon Lasanble Zeneral Nasyon Zini anfafer enn tel ka.

2. 6 Fevriye, 2015 – Let Uver a PM, Hon Aneerood Jugnauth, enn lapel pu li klarifye statezi nuvo Guvernman lor Chagos, antan ki Sef Guvernman.


3. 20 Mars 2015 - Kominike Lapres LALIT swit a Ruling UNCLOS, pu fer apel irzan ki Guvernman Moris remet kestyon divan ICJ

4. 10 Zin 2015 – Let a Premye Minis, kopi a Prezidan, Minis Zafer Etranzer, Lider Lopoziyon – apel pu enn vizit deta, dan kad enn ka divan ICJ.

Alain Ah-Vee
13 Ut, 2015

Map depans militer par pei an milya Dolar


Suvan dimunn dimann nu kifer nu sirtu kont inperyalis Oksidantal. Ala kifer. Gete komye US depanse par an. Li 3 fwa plis ki Lasinn, ki vinn segon. E si azut so bann pyon militer (Larabi Sawdit, Lafrans, UK, Zapon ek Sid Kore) sa vedir depans militer li absoliman akablan. Sa sif la sorti Bank of America so sayt.



Gran proporsyon kapital depi deor rant dan spekilasyon fonsye olye prodiksyon

Parti LALIT tultan pe met angard kont bann proporsyon investisman etranze ki al dan spekilasyon fonsye ki pa reprezant gran soz anterm kreasyon lanplwa. Nerport ki kalite investisman sorti depi letranze, Guvernman kontabiliz li kuma *Foreign Direct Investment* (FDI). Dapre zot, pli sif FDI ot, pli li bon pu lekonomi pei. Guvernman servi sif nivo FDI dan so propagann pu swazidan montre progre ekonomik, me anrealite sif la reprezant krwasans pu profi patron, tandi ki li reprezant tu kalite risk pu travayer ek lamas dimunn.

Pa zis LALIT truv sa disproporsyon FDI ki al dan spekilasyon fonsye grav, me anfet, Rama Sithanen, gran pret kapitalist, vinn konfirm seki nu pe dir dan so analiz lor diskur SAJ, bibliye dan *L'Express* 26 Ut . Li dir; “one is struck by the fact that 90% of the private sector investment of Rs 185 billion emanates from real estate development with smart cities taking the lion’s share at 65%.”



LALIT so Program pu enn Lekonomi Alternativ

LALIT nu Program Politik Ekonomi Alternativ li adres tu keस्थ्यon ekonomik inportan. Seki bizin se enn kreasyon anlwa masif dan kad enn diversifikasyon global lagrikiltir, e avek lizinn prezervasyon ki fini kree avan premye rekolt. Dan lepase li ti enn blasfem pu propoz ras kann. Asterla, pe ras kann pu plant kiksoz osi ridikil ki lerb burik. Me, anfet pu ki nu reysi kree anlwa, etabli enn sekirite alimanter, prezerv prodwi alimanter pu exportasyon, pu tusala reysi, petet li pu bizin enn remiz an-keस्थ्यon propriete later, anmemtan.

Li inkonsewab ki enn lekonomi kapitalist kapav enn “leekonomi stab”, kapav abandonn krwasans san-fin kuma so karakteristik santral. San preske okenn eksepsyon, tu ekonomist konvansyonel fer eloz “krwasans ekonomik”. Zot selman ule ki sa krwasans la li “sutenab”, me fode li tuzur res krwasans. E tu ekolozist ki pa koronpi pu dir u pa kapav kontiyn ar “krwasans” sanki li insutenab pu bul later.

IRS Compagnie Mont Choisy, dirab?

P.M. Jugnauth finn osi lans enn nuvo proze sanse “dirab”. Enn parkur golf dan Lenor pu pran 700 arpan later ki ti ena kann lor la avan. Zot apel sa “devlopman dirab” aköz zot pe plant 5,000 plant e zot pu servi dilo depi stasyon tretman dilo Grand Baie pu aroz zot gazon! Zot rekiper term ekolozik.

Alor, tablisman pe tir kann, pa pu asir sekirite alimanter, pa pu kree anlwa, pa pu rebwazman, me pu plant sipaki gazon e pu ranz 130 vila rezidansyel an beton, stil IRS, pu vann zot. Zot pu investi Rs 5 milya e pu kree apenn 500 anlwa direk ek indirek. PM SAJ finn truv sa kalite devlopman la kot sekter prive pe investi pu “permet enn krwasans suteni e pu kree lanplwa”. Ondire Guvernman Lepep vreman oservis gran kapital.

INFO INFO INFO

FIM

FIM KLIB ti get enn fim Palestinn apel *Omar* fer an 2014 par Hany Abu-Assad, mwa dernye. Li expoz manyer ki servis sekre Izrael rant dan realite intim lepep Palestinn. Ena enn zenom pe frekante, e li pena okenn lide ki li sirveye, e ki ena intervansyon ladan depi leta Izrael. Deba apre sa fim extra-interesan ti osi byin anime.

Prosenn fim pu enn fim byin rar, parski li sur-mye, setadir ena zis lang-desiyn ladan. Li enn fim Ikrenn, fer an 2014 apel *The Tribe*. Realizater apel Miroslav Slaboshpitsky.

NUVO KUR LITERESI

2 nuvo kur literesi, ek enn post-alfa pe large an Septam, dan kad Zurne Internasyonal Lir-Ekri.

Enn nuvo kur alfa kumanse Mardi 8 Septam 1:00 a 2:15.

Lot la, Samdi le 19 Septam 10:30 a midi.

Kur Post-Alfa li kumanse Lindi le 21 Septam a 5:15 a 6:30 pm.

Si u konn kikenn ki anviv swiv, kontake Alain, Rada, Anne-Marie ubyin Lindsey lor 208 5551.



Desin Georges Grosz, *Batiman lavil*

Manifestasyon LALIT provok Lanons Guvernman anplas-anplas

Dan mem moman ki LALIT ti pe ralye dimunn Port Louis 19 Ut kot biro Kart Idantite anba Batiman Rezistrar Zeneral, e ti pe fer enn lamars pu al kit enn let protestasyon a Komiser Proteksyon Data, sanki LALIT ubyin zurnalist kone, Minis ICT Roshi Badhain ti pe fer enn anons bakle pu dir apartir Lindi 24 Ut, pe finalman kumans detrir databeys santralize.

Perkitan

Aksyon LALIT, mem li ti modest, kan nu finn fer apel pu enn lanket par Data Protection Commissioner, Mm. Drudeisha Madhub, ti telman perkitan ki li finn obliz Guvernman sanz so “stratezi kominikasyon” lor ID Kard, e vit-vit anonse ki zot pre pu detrir data-beys avanmem ki zot fini galfat enn bon explikasyon lor ki anfet pu arive. Minis pa finn mem explik sa longer dele la. Li ti inpe konfi lor eski zot pe respekete zot promes elektoral avek 9 mwa retar ubyin respekete zizman Lakur avek trwa mwa retar.

Let LALIT a Komiser Data (get li dan sa Revi la), li proteste formelman kont lefet ki Guvernman ti pe kontiyn gard sa databeys santralize la malgre enn Inzonksyon depi Lakur Siprem ki dir bizin arete fer sa. Evidaman Leta ti pu byin anbarase si Data Protection Commission ti uver lanket lor zot, ubyin ti bizin aret kit ofisyete pu utraz a Lakur Siprem.

Alor, Minis, e so PS, M. J.D. Phokeer, ti anons fermtir zot bann Sant Kart Idantite dan Port Louis, Rose-Hill ek Port Mathurin ziska 14 Septan, pandan ki pe detrir data. Zot finn atann 9 mwa pu fer sa, e finn kontiyn pran data, garde, stoke ilegalman. Me, li vre, apartir Lindi Guvernman pe detrir sa databeys la. Sa, li enn viktwar pu tu militan kont kart idantite biometrik. Mem, si data

la finn expoze a enn risk inital pandan ankor 9 mwa.

Viktwar, me

Sa bon nuvel, sa viktwar la, li perdi inpe so lazwa kan nu kone ki Minis finn evit klarifye enn seri zafer, anplis ki zot pa finn invit kit tyers personn pu cheke ki anfet li detrir. Ti kapav pran Komiser Data, ubyin enn individi, kuma Ish Sookun ki finn anfet temwayne dan ka Dr. Madewoo, e ki Ziz finn truve enn bon temwin exper.

Bann pwin ki tuzur pa kler, ena - Kimanyer apartir asterla pu servi sa bann “fingerprint lanprint” ki pu tuzur ena lor nu kart? Nu kone ki asterla nu detay lanprint pu res avek nu pu ki dimunn kapav verifeye nu idantite mem si pa pu idantifye nu parmi enn ta dimunn; setadir kikenn pu kapav selman konpar detay lanprint dan kart ar detay lor nu prop pus, pa rod idantifye kikenn parmi enn milyon lanprint tu dimunn. Me, Minis Bhadain pa dir sipa sa bann “minutiae| pu konverti e “inprime” anplas-anplas, ubyin pu stoke pu enn tan ziska konverti. Si dezyem, lerala kot sa pu stok zot? Ki sekirite pu ena? Tusala li pa dir.

- Kisannla ki otorize pu insiste lor sa kalite idantifikasyon la atraver detay lanprint lor nu kart? Eski sipaki patron sekter prive pu ena akse a sa kalite sistem verifikasyon idantite? Ki kontrol pu ena, si wi? Minis pa dir.

- Eski pu amand Lalwa Kart ID pu anpes ki lapolis ek lezot ofisyete gayn enn santaz permanan lor popilasyon net? Lalwa existan ki Ramgoolam ti mete donn lapolis puvwar fors enn sitwayin montre so kart ID anplas-anplas, sinon sa gard la kapav spesifye kan e kot sa, li. Ondire u pu plizumwin oblize sarye li kuma enn “Pass law”, ubyin port li enn meday lisyin MSPCA.

- Eski lalwa pu amande pu ki

Kart ID nepli obligatwar, nepli implik imans lamann e prizon 5 an, si u pena enn, si u pa reysi ranplas enn ki perdi, si u pa inform lotorite ki u finn sanz ladres ubyin sanz stati marital? Slogan LALIT dan pankart dan nu ti manifestasyon ti “Lalit kontiyne!” e anfet lalit pe bizin kontiyne.

Teknisyin Singapur

Antretan, semenn ki Revi LALIT No. 120 sorti, ena teknisyin Singapur dan Moris pu detrir databeys. Zot prezans rapel nu opasite ki ti ena otur sa kontra Guvernman si gran, e otur sa pert imans larzan publik. Deryer sa kontra Guvernman-a-Guvernman ar Singapur ki ti gayn drwa res enn sekre deta, e ki pa ti neseseit okenn sistem tennder, anfet Guvernman Singapur finn permet partaz sa larzan la ar konpayni pros ar Parti Travayis Ramgoolam, inklir., BAI, limem.

Me, seki inportan se tu dimunn kuraze ki finn swiv mo-dord LALIT pu fer enn “go-slo”, nu finn evit expoz nu data personel a tu kalite risk pandan lepok 2013 a 2015, setadir 2 an. Lezot dimunn, seki finn sumet, klerman finn uver a sa risk la, e nu pa pu kone si finn ena fwit, si foto ek lanprint pe stoke par la asterla lor ininternet, ubyin dan enn gran kompyuter, apre enn fwit, enn haking, ubyin enn lavant data pu rezon komersyal. Sa risk la finn gran uver pandan 2 an.

Me, apartir asterla, zot nepli pe kur sa risk la – tu dimunn. Seki kuraze, ansam ar seki finn bizin sumet ubyin finn swazir pu sumet, nu tu proteze pli byin kan nepli pu ena enn databeys santralize.

Prezan pu manifestasyon, an-plis manb LALIT, ti ena manb Muvman Liberasyon Fam, kat delege CITU (Confederation of Independent Trade unions), ek delege depi Sant Idriss Goomany ek Playgroups.

Premye let LALIT a Mm. Drudeisha Madhub, Data Protection Commissioner

Kan Guvernman Lepep finn tarde pu explike ki pe arive pu Kart Idantite,
e kan li ti persiste gard data biometrik pandan plis ki 8 mwa,
san prosed a so destriksyon,
LALIT finn ekir enn premye let a Komiser Data, Mme Madhub.
Nu pe reproduir li an versyon orizinal.

Apres sa,
kan Guvernman finn fer so lanons vag ek iresponsab,
nu finn ekir li enn 2yem let,
pu fer enn reket formel pu li pran aksyon.
Vir paz, pu sa 2yem let la.

Dear Madam,
LALIT writes to report to you continued data abuse by the State of Mauritius within its ID card system.

Since its introduction in July 2013, we, together with several other trade union confederations and social organisations, have opposed the law that makes it compulsory for each and every citizen to have biometric data being taken from them for retention, storage and use by the State of Mauritius and others. We have done our duty towards data protection by a number of actions, which we have appended for your interest in Appendix I.

On 23rd July, 2014 dozens of us went to the National Identity Card Centre to request a National Identity Card *without* consenting to be fingerprinted or to have any biometric photograph taken. The “officials” present refused to process our applications. We each of us individually submitted a letter (see copy of letter enclosed as Appendix II) to explain our objection to submitting to biometric data being taken from us for use by the State.

Before it came to this, and as a result of our concern for the personal data of citizens being captured and stored, I, as a member of LALIT had formally taken responsibility to, in fact,

contact your office. I personally rang on number 201-1620 and talked to Mr. P. Dookee, your Senior Data Protection Officer, about this matter on Tuesday 8 April, 2014 at 14:10 hours. He made it clear at the time that there was nothing that the Data Protection Office could do. He said it was “Government policy”, and a “Memorandum of Understanding” had been signed with a private company, and that all issues “had been cleared”. He said there was no question of data being illegally exposed.

However, subsequently, as you know, two Supreme Court judgments of 29th May this year have ruled, to the contrary, that “provisions in the *National Identity Card Act* and the *Data Protection Act* for the storage and retention of fingerprints and other personal biometric data collected for the purpose of the biometric card of a citizen of Mauritius” are, in fact, *unconstitutional*.

In addition, the Supreme Court in *Jugnauth Pravind Kumar (Hon) v. the State of Mauritius and Anor 2015 SCJ 178* actually granted a writ of injunction “prohibiting the defendants [the State of Mauritius, the Prime Minister, the ICT Minister, the Attorney General and the Civil Status Registrar] from storing, or causing to be stored, as the case may be, any fingerprints or biometric information data

[sic] obtained on the basis of the provisions in the National Identity Card Act and the Data Protection Act.”

The Cabinet of Ministers of 5 June 2015, taking note of the Supreme Court judgements announced the following decisions: “The ID Card system is being reviewed to remove the biometric data, including photograph, fingerprint image and fingerprint minutiae. New processes are being worked out for first time registration and when applying for replacement ID cards.”

Yet nearly three months after the two Supreme Court judgements:

1. The ID card database has not yet been destroyed;
2. Biometric data, including biometric photograph, fingerprint image and fingerprint minutiae, has not been removed from the ID Card system;
3. The State is continuing to impose biometric photographs and fingerprinting on people who urgently need replacement National ID cards even though this has been declared unconstitutional.

We add that it is clearly unacceptable that, to get a new ID card as one turns 18 or in order to replace an old card that has been lost, people are being required to sign a “Consent Form” to “agree” that

biometric data be taken from them for temporary storage in an ID card database that has been declared unconstitutional. A Court Injunction cannot simply be flouted by means of a scrap of paper giving supposed “consent”.

As you know, your functions under the *Data Protection Act* include that you “*exercise control on all data processing activities, either of its [sic] own motion or at the request of a data subject, and verify whether the processing of data is in accordance of this Act or regulations made under the Act*” and that furthermore, you “*investigate any complaint or information which give rise to a suspicion that an offence, under this Act may have been, is being or is about to be committed*”.

Given the two Supreme Court Judgements shedding new light on abuse of data through the ID card system, we formally call on you to take action so as to ensure that:

1. The taking of fingerprints and biometric photograph of each and every citizen applying for a National Identity Card by the National Identity Card Centres be immediately stopped;
2. With immediate effect, people are no longer required to sign a Consent Form to “agree” to their Constitutional rights being illegally infringed;
3. Biometric data, including photographs, fingerprint images and fingerprint minutiae, be removed from the ID card system,
4. The ID card database is effectively and permanently destroyed. (We note that in the UK, the Prime Minister destroyed the entire data-base “within 100 days”, which proves that it is not impossible.)

In conclusion, we would like to inform you that we have done our utmost, before resorting to reporting the offenders to you, to call on them to respect

their political program and the Supreme Court Judgments, as well as the Injunction. We have done the following:

1. *Petitioned the new Government* on 30 December, 2014

(Signed by organizations: Confederation of Independent Trade Unions, Muvman Liberasyon Fam, Centre Idriss Goomany, Confederation Travailleurs Secteur Prive, Labaz intersindikal, Playgroups, ACIM, LALIT). Petition addressed to both Prime Minister and Minister of Technology, Communication and Innovation.

2. *Written an Open Letter to those now in Government who opposed the biometric ID Card system*

(i.e. Hons. Collendavelloo, Pravind Jugnauth, Roshi Bhadain, S. Teeluckdharry) on 12 February, 2015.

3. *Following the Supreme Court judgements, written a letter to the Prime Minister* on 12 July, 2015

(Signed by organizations: Confederation of Independent Trade Unions, Muvman Liberasyon Fam, Centre

Idriss Goomany, Confederation Travailleurs Secteur Prive, Labaz Intersindikal, Playgroups, ACIM, LALIT, JUSTICE, ABAIM and the Federation des Travailleurs Unis).

4. *A letter to Minister of Technology, Communication and Innovation* (Pravind Jugnauth) on 12 July, 2015, sent again to his replacement, Minister Bhadain, on 4 August, 2015.

To no avail. The Injunction continues to be infringed. The Supreme Court Judgment continues to be flouted. Personal data continues to be exposed to danger, without any protection from your Office.

We call on you to remedy the continued exposure of peoples’ personal data to all the dangers listed by the Supreme Court.

Yours sincerely,

Rajni Lallah, For LALIT,
18 August, 2015



Desin Georges Grosz, *Dan Bar*

Dezyem let LALIT a Mm. Drudeisha Madhub, Data Protection Commissioner

Dear Madam,

The situation has radically changed regarding the ID card system from the time we met you on Wednesday 19th August. At around the same time as we were gathering to meet you on the 19th of August at 14hrs in Port Louis, the Minister of Technology, Communication & Innovation hastily issued a press communiqué to announce that “ID Card Conversion centres” would be closed between Monday 24th August and 11th September 2015 to get biometric data in the ID card database destroyed. We used the word “hastily” as this announcement was made only two working days before the closure of the “Conversion Centres”. Given the change in the whole situation, we believe that you, as Data Protection Commissioner should intervene to ensure that the personal biometric data of all citizens who have, or who might in future, take out new identity cards, that is, the whole adult population of Mauritius, is protected.

We note that under Section 5 of the Data Protection Act, your functions as Commissioner include that you:

- (a) exercise control on all data processing activities, either of its own motion (sic) or at the request of a data subject, and verify whether the processing of data is in accordance of this Act or regulations made under the Act;
- (b) do anything incidental or conducive to the attainment of the objects of, and to the better performance of his duties and functions under this Act.

We further note that Section 12 of the Data Protection Act

empowers you “where the Commissioner is of opinion that a data controller or a data processor has contravened, is contravening or is about to contravene this Act” to “serve an enforcement notice on the data controller or the data processor, as the case may be, requiring him to take such steps within such time as may be specified in the notice”.

Given that the Data Protection Act gives you relatively wide powers of inquiry and action, given that the national ID card system concerns the whole adult population of Mauritius, and given that the Data Protection Commission can institute inquiries and act “of its own motion”, we are formally asking for your intervention to protect peoples’ personal and biometric data in this period when ID card system is being reviewed.

In addition, we draw your attention to the fact that no bill to amend the National Identity Act and other related Acts has been announced up to now and that consequently, there is a need to review the law given that the government has announced a change in the aim of the National ID Card system from that of “identification” to that of “verification”.

1. Risk of and damages caused by possible data leakage

No further information has been given to the public by the concerned authorities on where biometric data of over 800,000 people who have taken out biometric ID cards was being retained or stored. It had been announced in 2013-2014 that such biometric data would be securely stored in a databank in Ebene. No information has been given on:

1. Whether, for the record, biometric data of people had been stored for any length of time in “Conversion Centres” or elsewhere, and whether this, too, has been destroyed,
2. How such biometric data was transferred from “Conversion Centres” to the databank, and
3. The nature of data traffic, if any, between the “Conversion Centres” and the databank that could have occurred between July 2013 and today.
4. What private companies and people recruited by them in Mauritius and Singapore my have had access to biometric data of Mauritian citizens who took out the new ID cards, and whether this, too, is being followed up.

Such information is vital given the risk of data leakage that the Supreme Court on the ID Card systems recognised when it proclaimed storage and retention of fingerprints and other personal biometric data of a citizen of Mauritius unconstitutional. We quote from *Madhewoo M. v The State of Mauritius and Anor* 2015 SCJ 177, Record No. 108696: “On the other hand, witness Sookun has said enough to impress upon us the risks and damages which the storage and retention system adopted by the defendants would entail.”

We call on you to:

1. Investigate who has had access to biometric data and ensure that this information is made public given that this concerns the personal data of over 800,000 people who have taken out new ID cards.
2. Take action so that there is credible supervision of the destruction of biometric data in the ID card system to ensure that data has been effectively and permanently destroyed.

2. Fingerprint minutiae still on the card?

The Minister of Technology, Communication and Innovation, Hon. R. Bhadain announced on the MBC Journal of 19.30 hrs on the 19th of August that the thumbprint minutiae on the new identity cards would be retained for “verification” purposes (although it is still unclear whether the new card system will contain such biometric data such as fingerprint minutiae for verification purposes). For your information, the Mauritius Broadcasting Corporation Journal can be viewed as from 6 minutes and 12 seconds in the MBC Youtube channel:

<https://www.youtube.com/watch?v=SnMcryOVKwo>

Biometric data on the ID card will continue to put citizens at risk given that the new identity card can even be read at a distance with available technological devices as demonstrated by Expert Witness Ish Sookun. This means that thumbprint minutiae can be accessed by anyone with the technological means, hacked and copied.

We call on you to ensure that the newly reviewed ID card system does not include fingerprint minutiae, other biometric data, or any other personal data on the card itself or alternatively, that giving such data is not made compulsory for people taking out new ID cards.

We draw your attention to the National Identity Act of 2013 that makes it possible for “such other particulars as may be prescribed” to be included in the ID card microchip. We call on you to ensure that the addition of “other particulars” be repealed.

3. Who will “verify”?

Section 7 of the National Identity Card Act of 2013 states that “Every person may in reasonable circumstances and for the purpose of ascertaining the identity of another person



Desin Georges Grosz, *Fotograf*

request that other person to produce his identity card where that person is a citizen of Mauritius.” This means almost anyone who can potentially assist in allocating employment, credit, goods or services will be in a position to request a person to produce his/her identity card for “verification”, presumably including on a “machine” to compare minutiae with actual fingerprint on the spot.

It has become common practice for private sector employers, shops, banks, credit providers, almost anyone offering goods or services to insist on people who need employment, goods or services to present their ID card, or even more dangerous for the ID card holder, to get someone else to present the card for them for “verification”.

4. Amendments to the National Identity Card Act

No amendments to the 2013 National Identity Card Act have been announced yet. Now that the whole logic behind the Act has changed from that of the need to “identify” to administrative “verification”, it is highly questionable whether it is “excessive” to make such a card mandatory, to make it

obligatory to “present the card” for “identification” purposes, or to have up to 5 year prison sentences or even heavy fines for not holding a card. We note that the third principle of the “Data Protection Principles” in the First Schedule of the Data Protection Act states that “Personal data shall be adequate, relevant and not excessive in relation to the purpose for which they are processed”.

We note that your Functions include that you “(i) examine any proposal for data matching or data linkage that may involve an interference with, or may otherwise have adverse effects on the privacy of individuals and, ensure that any adverse effects of such proposal on the privacy of individuals are minimized”.

We call on you to ensure that adequate amendments to the National Identity Card Act are made in proportion with the change in the aim of the Act from “identification” to “verification”.

Yours sincerely,
Rajni Lallah, for LALIT,
30 August, 2015.

40 Aksyon LALIT ansam ek Lezot Lorganizasyon dan Kolektif kont Kart Biometrik Obligatwar

1. Premye petisyon 18 lorganizasyon: Sirkile par Kolektif ki ti met dibut par LALIT ek CTSP. Ti sumet li a Akting Premye Minis, R. Beebeejau. 28 Septam, 2013. Swit a sa, M. Rao Rama tir kominike ridikil kont Alain Ah-Vee, LALIT. Dan Kolektif ena LALIT ansam ar CTSP, CITU, Centre Goomany, LPT, FTU, ACIM, MLF, Playgroup, Labaz Intersindikal, JUSTICE, Ass. Travailleurs Sociaux, Abaim, Regrupman Travayer Sosyal, University of Mauritius Students Union, Albatross Senior Citizens, Nursing Association, First Aiders.
2. LALIT apel pu GO SLOW, stratezi ki pu gayne; 24 December, 2013.
3. Nuvo Petisyon siyene 23 lorganizasyon: Sirkile par Kolektif kont Kart Biometrik Obligatwar, avoye a Premye Minis 17 Avril, 2014, ansam ek Konferans de Pres kot apel pu "GO SLOW", setadir tarde pu tir kart ID.
4. Prezidan Vilaz dan plis ki 100 vilaz: Aksyon desantralize: Kanpayn lor 2-3 mwa pu al get, an person, Prezidan ek Konseye Vilaz, remet enn let a zot pu sak Konseye (versyon Angle ek versyon Kreol) -- preske tu konsey vilaz. Desam-2013 a Fevriye 2014
5. Kanpayn Lafis: Bizin Refiz donn Guvernman lanprint; lafis kole 4 kwin Moris.
6. Distribisyon trak LALIT: Dat 25 Septam, 2013 "Kifer LALIT dir Non a Nuvo Kart ID Biometrik?"
7. REVI LALIT Spesyal No. 112 kont ID Kard biometrik obligatwar (plis lartik ek dosye dan No. 111, 113, 114, 115, 117, 118, 119).
8. Moman kle: LALIT viz inifye tu dimunn ki kont (setadir enn lalyans ant seki finn tire ek seki pankor tire) par apel pu detrir databeys santralize.
9. Aksyon servi "Notis" dan sak sant MNIC: Aksyon desantralize: Aksyon dan sak Sant MNIC kot servi anplwaye ek staf dan sak Sant enn "Notis" — apartir 30 Mars 2014.
10. "Teach in" LALIT lor ID Kard I Desam, 2013.
11. Workshop organize par Kolektif lanse par CTSP ek LALIT, kot CTSP.
12. Orater dan Foi et Vie kot ICJM, 9 Novam 2013 vs. Met M Rao Rama KO.
13. Aksyon Passive Resistance kot Batiman Rezistra Zeneral pu al tir kart, me san donn lanprint. Sumet enn let. Kot MNIC so biro santral. 75 partisipan. 23 Ziyet 2014.
14. Furni let pu individi fer rezistans pasif, ek lasosyasyon ki anvi refiz donn lanprint, dan aksyon par zot mem.
15. Deklarasyon Komin par 25 Personalite, inklir ansyin Prezidan Repiblik, ansyin Minis Lazistis, e dimunn koni dan tu domenn. Organize par LALIT Fev 2014.
16. 4 Konferans de Pres par lorganizasyon dan Kolektif kont Kart Idantite Biometrik Obligatwar, 6 Septam 2013, ek 16 Avril, 2014, 11 Ziyet, 2014 (kot GTU), e LALIT ti deza fer enn 23 Ziyet, 2012.
17. Aksyon desantralize kot lizinn, liniversite, etc. Al distribiye trak kot lizinn, kan ofisy MNIC ti pe al pran lanprint dan lantrepriz. E.g. Princess Tuna, Thon de Mascareignes, garaz UBS, CNT, UoM. Oktob, 2013.
18. Resers Rajni Lallah lor ramifikasyon finansye, pibliye LALIT; re seki ti arive ar larzan dan diyul Rs 1.5 miyar ar Government of Singapore, ki fini ar firm pro-PT.
19. Lartik ekriir dan Forum, "Save us From our Protectors" 21 Oktob 2013.
20. Program Radyo Top FM ek Radio Plus, par manb, Lindsey Collen.
21. Nu finn viz pu fer 2 parti Lopozisyon sanz zot pozisyon; efektifman MSM ek MMM finn sanz pozisyon e zwenn bann lafors politik ki kont. LALIT sonn Berenger, propoz li poz enn Kestyon Parlmanter.
22. Let uver a DPP depi LALIT, pu dimann so stenn. Li finn reponn le 27 Zin, 2014, e finn dir "It is a fact that until there is a final pronouncement of the constitutionality of the relevant provisions of the Act, it would be unlikely for me as DPP to exercise my powers under Section 72 of the Constitution to initiate criminal proceedings against those persons who have failed without reasonable excuse to apply for the new Identity card ..."
23. Youtube Program by Lindsey Collen, created by Rada Kistnasamy and Emilie Wiehe against ID Card. Number of viewers: Over 18,000. Posted 28 Septam, 2013. Ena plis ki 90 komanter, sirtu deba argimante par viewers, kiksoz rar dan enn blog.
24. LALIT Program Elektoral anform enn liv, pu eleksyon zeneral 2014, pibliye Septam, 2014.
25. LALIT dedye enn program elektoral lor MBC, TV ek radyo par Shabeela Kalla
26. Zyem Youtube LALIT par Shabeela Kalla, 30 Septam 2014. Has had 1,000 viewers. This followed a 2nd YouTube by Lindsey Collen for an update.
27. LALIT expoz kontradiksyon dan GM Travayis: fer enn tab kot montre de diferan laliyn Guvernman lor ID Kard: Biro Premye Minis ek Minis Pillay, ICT: 15 Oktob 2013.
28. LALIT fer apel pu kennsel kontra firm Singapur, sutenir MMM lor la, Novam 2012,
29. Lalit kol enn tipti lafis, "Pa prese kamarad!", Ut 2014, kol partu partu.
30. Port-a-port: LALIT swazir de-trwa landrwa, fer port-a-port, lakaz par lakaz avek trak ek ti-lafis la.
31. Kominike konzwin 9 Lorganizasyon: 9 Septam, 2014, Call for ID Card Deadline to be extended ziska Desam 2015.
32. LALIT avoy let uver depite ek Minis ki ti pran pozisyon 'kont' avan eleksyon. Demand asire ki Guvernman azir. 12 Fevriye 2015
33. Petisyon 8 lorganizasyon a nuvo Guvernman Leppep, pu li respekte so langazman elektoral, retir kart ID biometrik obligatwar.
34. Reynion ek kordinasyon ansam lezot grup ki pe konteste sistem ID Kard biometrik, sirtu pu ki amenn lalit lor enn platform pli rasyonel e.g. Alain Ah-Vee al koze Le Sapin, Rajni Lallah fer rankont ar Georges Ah-Yan lor la, manb LALIT prezan dan Lakur Siprem pu ka lakur; nu finn res an-kontak konstan avek avoka dan ka Dr. Madewoo ek Neelkant Dulloo.
35. Let a Premye Minis apre Zizman Lakur Siprem ek Inzonksyon, 12 Ziyet, 2015, siyene par 11 lorganizasyon.
36. Let a Minis TCI, Hon. Pravind Jugnauth (12 Ziyet, 2015), re-avoye a nuvo Minis Hon. Bhadain, 4 Ut 2015.
37. Reynion kordinasyon konstan avek lezot grup e fron komin dan pei, dan kad enn gran muvman dan pei. Manb LALIT ti osi gard kontak regilye lor letan avek sa 3 lekip ki finn met ka Lakur Siprem kont Kart Idantite.
38. Aksyon kot Batiman Rezistrar Zeneral 19 Ut, 2015, ki finn provok enn lanons depi Minis Badhain.
39. Deba ek analiz konstan dan Brans ek tu linstans parti LALIT.
40. Enn reynion lor ID KARD pe fer Samdi 12 Septam: Bilan ek Lavenir

Dookun so Plan Nine-Year Schooling

Plan reform ledikasyon ki Minis Leela Devi Dookun finn prezante an Ut, 2015 pa adres ditu veritab problem defon ni vre defi ki sistem ledikasyon dan Moris pe fer fas. Li zis adres sartin problem “an-silkan”.


So reform al dan direksyon diminye konpetisyon ki pe fer ravaz onivo CPE ek alafin segonder, me li tro timid. So plan pa pu nonpli amelyor nivo ledikasyon anzeneral, dan sans ankuraz refleksyon, kreativite, inovasyon kuma bizin. Ni li pena okenn mezir ki pu aret ditur ki zanfan lekol pe kontiyn sibir tulezur aköz polisi langaz ki pe aplike. Tusala vedir pena enn veritab epanwisman zanfan, kuma Minis tultan pe promet. Konteni plan la pa nonpli ankuraz *multilinguism ot nivo*, ki anfet lakle pu devlopman lespri inovater, refleksyon ot-nivo kuma bizin. E sirtu li pa prekoniz nanye pu anlev restan kolonyal ki ankor pe anpwazonn sistem ledikasyon Moris.

Mank lodas

Plan reform Minis Dookun pa vmem diferan depi Plan lezot Minis avan finn propoze, apar Gokhool ki ti ogmant konpetisyon kareman. Anfet depi Jagatsingh, travers par Parsooramen, travers par Pillay, Obeegadoo, Bunwaree, zot tu finn atak konpetisyon malsin, me selman dan sa mem fason an-silkan. Setadir mank enn sartin lodas. Me, sa lodas la exziz enn gran mobilizasyon e sansibilizasyon paran ek profeser, ki sirman zot pa ule fer.

Vre problem

Anfet li pa etonan ki Minis Dookun pa finn vinn ar okenn sanzman mazer dan so Plan Reform parski li truv sistem ledikasyon pe mars byin. Ala seki li dir dan *Le Defi*, 13 Ut 2015 “*Je dois dire que nous avons un*



Desin G.Grosz, Zwer Lakordeon

système qui a été performant, parceque nos jeunes font très très bien lorsqu'ils sont dans des universités à l'étranger.” Ki performans Minis Dookun pe koze? Eski li pa kone buku etidyan liniversite gayn gran difikilte adapte a vites refleksyon zot koleg depi lezot pei? Eski Minis Dookun pa okuran difikilte ki buku konpayni patron dan Cybercity gayne pu rekrit dimunn Moris, mem gradye, ki reysi metriz Angle ek Franse ase ot-nivo pu fer fas lexizans travay dan sa sekter la? Eski li pankor kone ki metriz Angle ek Franse ot-nivo li travers par devlopman ot-nivo dan lang maternel?

E kifer Minis pa get pu primer. Eski li pa kone ki tule lane par milye zanfan apre zot CPE pa reysi konn ni lir ni ekrir dan okenn langaz? Eski li konsyan to desek onivo CPE? To desek pu lexame CPE ti an mwayenn 35% ant 2005 a 2011. Mem si sif la finn vinn 19% an 2013, li pa ekivo a enn vre amelyorasyon nivo, parski zot finn sey “fors” bann sif, plito ki edik zanfan pli byin. Ansyin Guvernman ti introdri sistem ‘re-sitting’, ki permet enn zelev rekonpoz enn size ki li pa’nn pase, e kot lotorite fer maximum pu zanfan la pase,

atraver leson spesyal, alor li reysi pase lor borderlaynn, e sa grosi sif “sikse”. Sa ki finn maske vre to desek, anterm degre veritab literesi.

Reform Minis Ledikasyon li plito viz pu furni tu zanfan mem konteni pandan premye 9 an dan lekol. E sa, li bon. Tit reform la mem dir tu, li “*Nine Year Continuous Basic Education*”. Anfet, li pa sitan “continuous” dan sans ki apre Grad 6 pu sanze, al dan Lekol Segonder. Me, Minis limem spesifye so bi dan samem interview *Le Defi* la: “*Avec la ‘9-year continuous basic education’, nous devons nous assurer qu’avant ces 13 années, l’élève est en mesure de rester a l’école pour au moins neuf ans consecutifs,*” li deklare. Wi, li bon zanfan kapav res pli lontan dan sistem lekol, me li depann ki konteni pe montre, kimanyer pe montre (ki pedagozi) ek dan ki lang pe montre(medyom).

Konpetisyon amorti

Ena plizir mezir dan Plan Minis Dookun ki pu amorti konpetisyon, ubyin o-mwin diminye stres lor zanfan 11 an.

Premye, kan CPE ranplase par PSAC (Primary School Achievement Certificate), li nepli enn fason departaz zanfan

dan “star school”, etc. Zanafan pu monte atraver enn sistem *rezyonal*. Dan sa sans la li *continuous*. Me, evidaman, enn sertin konpetisyon pu tuzur reste, parski pena ase SSS ziska ler. Ena ankor tuzur inpe fay kolez prive.

Dezyeman, pu ena 40% pwin dan sa nuvo lexame 6yem ki pu totalize atraver “*assessment kontinye*”. Setadir lexame li mem, li kont zis 60%, anplas 100% avan.

Trwazyeman, sa 40% la, li pu baze lor performans dan size ki Minis apel ‘non-CORE’, setadir Kompyuter, PE, Civic and Values, Arts (lar, lamizik, drama, ladans), “communication skills”. Sa osi, diminye sa ‘race’ anterm size ki “konte”.

Katriyeman, pu tir presyon dan nuvo lexame 6yem; u pu inn fini, lafin 5yem ek pandan 6yem, deza konpoz 2 size, setadir Syans ek Listwar-Zeografi, e pwin ki u fini tire pu kontabilize. Sa osi tir presyon.

Sinkyeman, si ena konpetisyon feros, li pu ranvwaye ziska zanafan ena 14-15 an par la, kan pu ena lexame Form III apel National Certificate of Education (NCE). Zanafan la pu inn ariv enn laz kot li kapav kop avek konpetisyon, e avoy promne si li ule.

Sizyeman, mem si rezilta NCE (Form III) li pu ena enn sertin linportans, setadir li pu departaz zanafan ant Lakademi spesyalize swa kontiyn dan Kolez Rezyonal, anfet kot ena tro demand, se proximite ar kolez ki pu desid ki zanafan aksepté. La, osi petet konpetisyon dan NCE pu amorti par lefet ki fini alwe 4 nuvo laburs liniversite par rezyon. Alor, ena paran pu prefer res dan Kolez Rezyonal.

Setyeman, zanafan ki pu al dan Politeknik, pu pran sa sime la, zis pu dernye 2 an (setadir Form VI ek VII).

Amelyor nivo?

Reform Dookun pu ena tandans amelyor nivo ledikasyon

anzeneral e diminye inegalite ant diferan lekol ek ant kolez, mem si sa 11 Akademi la pu riske plito ranforsi tandans elitist ki dominn sistem aktyel.

Anfet, kan ekut Minis Dookun, problem performans dan lekol li lafot zanafan la pa lekol e sistem la. Anfet ena 2 problem prinsipal: ena zanafan ki fel, ek ena zanafan ki gayn bon rezilta par aprann par ker (rote-learning). Samem 2 problem grav dan sistem ki antrav progre tu zanafan.

Mem si Minis Dookun rekonet ena zanafan ki gayn difikilte aprann, me seki li propoze setadir “Remedial education” pa pu vremem rezud sa problem aprantisaz ki zanafan fer fas dan lekol. Ala seki li dir dan *Le Defi*, 13 Ut: “*Ceux qui ont des problèmes d’apprentissage iront avec un ‘Remedial teacher’ qui utilisera une méthodologie adaptée pour ces enfants. Cela va se faire pendant les six années du primaire et nous pensons diminuer le nombre d’écopliers qui n’arrivent pas à atteindre le niveau voulu au bout de la 6e année.*” Si enn gran nomb zanafan pa pe reysi atenn nivo nesaser li sirtu aköz pe obliz zot aprann dan enn lang etranzer.

E, Minis Dookun pa paret admet ki ena sa 2yem problem la, setadir seki fer “byin” dan lexame, li pa pe konpran seki li pe lir. (Get nu lartik lor sa size “lektir avek konpreansyon” dan sa Revi la.)

Alor ki tu pedagog ki reflesi dakor ki leker problem dan sistem ledikasyon Moris, ki li to esek, ki li lektir san veritab konpreansyon, se lefet ki pa pe servi langaz maternal zanafan pu anseyne.

Preske tu zanafan Moris zot Kreolofonn, setadir zot konpran ek metriz lang Kreol natirelman dan sosyete Moris. Me lekol obliz zot pran zot prop langaz, met li dan enn kwinn, anplas devlop li a ot-nivo kuma enn esafodaz intelektuel robist. E, kan fini siprim lang maternal,

lerla sistem aktyel fer zanafan pa zis al aprann enn-de lang etranzer depi kumansman kuma enn korve (aköz li pa natirel dan Moris), me fors zot aprann dan sa lang etranzer la. Zanafan bizin aprann syans, par exanp atraver Angle swa dan sertin lekol prive atraver Franse. Li enn krim. Li tuf zeni tu zanafan Moris.

E li sa move politik langaz medyom ki explik lefet ki nivo syans dan 6yem li ba, aköz nivo lingwistik oblize inpe ba pu ki zanafan kapav mem aprann par ker dan enn langaz ki pa natirel pu li.

UNESCO depi 1953 prekoniz itilizasyon lang maternal pu montre dan lekol. Li finn mintenir mem pozisyon ziska zordi. Plizir resers internasyonal finn demontre ki zanafan aprann pli byin dan tu size, inkli dan lang etranzer, kan lekol gard so lang maternal kuma medyom. Pu servi enn lang kuma Angle ubyin Franse kuma medyom, bizin fini anseyne li kuma enn size dan lekol pandan 6 a 8 an. Zis size kuma lamizik ek PE ki kapav anseyne atraver Angle Franse apre ki zanafan finn aprann sa langaz la pandan 4-6 an.

Dan Moris lexpertyans Playgroup, BEC, Terre de Paix, LPT finn montre ki lang maternal kuma medyom li marse. Me, Minis pa ule kone.

Ditor zanafan lekol sibir

Reform Minis Dookun pa prekoniz okenn mezir ki pu diminye ditor ki zanafan pe sufer aköz finn siprim so lang maternal dan lekol.

Dan plan Minis Dookun pena okenn mansyon itilizasyon lang maternal kuma medyom. Alor ki Rapor Hearing LPT an 2009 finn dir ki “*osant sistem ledikasyon ena enn polisi langaz ki enn esek total kote devlopman ful potansyel nu zanafan, ki li kote kognitif, emosyonel, sikolojik ubyin sosyal*”. Sa ditor la, li fer kont zanafan ki pe gayn difikilte dan lekol, e osi pu bann ki pe fer “byin” parski zot fer byin

atraver aprann par ker, kuma peroke, e sanki zot devlop zot lespri kritik.

Dayer LPT finn depoz enn kopi sa Rapor la ar Minis Dookun tutswit kuma li pran so post an Desam 2014. Klerman li pa finn mem lir li. Me, linyorans napa enn eskiz, kan pe kontiyn fer ditor zanfan.

Dekoloniz ledikasyon

Zordi an 2015, polisi langaz ki pe servi dan primer ankor dikte par enn regleman anfavor langaz Angle e ki date depi lepok kolonyal, *Education Regulation 1957*. Plan Reform Dookun swazir pu innyor realite langaz dan lekel gran mazorite zanfan Moris viv, setadir Kreol ek dan

sertin rezyon Bhojpuri. Li swazir pu mepriz langaz ki zanfan servi tulezur natirelman, ki li dan lakaz, kan zot zwe, ki li langaz dan lekel zot reve, langaz ki zot konpran, langaz ki zot manye avek prezisyon.

Langaz Kreol, kanmem, depi lepok Bunwaree, li finn rantré kuma enn size opsyonel. Li pu tuzur opsyonel, mem li anfet enn Core Subject.

Me seki osi grav dan sa Plan Dookun la, se lefet ki pe vinn inpoz enn dezyem lang etranzer dan lekol. Franse pe vinn obligatwar parey kuma Angle ek Matematik onivo Grade 9. Sa li retrograd. Franse ti bizin opsyonel, kuma Kreol ek Lang Oryantal.

Alafin reform Minis Dookun viz pu mintenir *stati ko* onivo ledikasyon par gard prestiz ki langaz Angle ek Franse finn benefisye depi lepok kolonyal. Li viz perpetye reyn sa elit ki kontrol bann linstitasyon Leta depi Lindepandans. Tusala odetriman vre epanwisman intelektuel, kognitif ek emosyonel zanfan Repiblik Moris. Tusala mem odetriman sa “inovativite” ki Guvernman Lepep dir li ule promuvwar. Kreasyon ek inovasyon travers obligatwarman par lang maternel ot-nivo. Lang maternel ot-nivo enn sine-quanon pu Angle-Franse ot nivo.

AA

Rejoinder to L'Express on the Kreol Language Issue

This article was sent to *L'Express* for publication on 26 August, and has not yet been published

but has, curiously, been replied to in *L'Express*!

So REVI LALIT has pleasure in reproducing it:

It's dead easy to have opinions on “the language issue”. In fact, everyone is full of opinions on “language”. Journalist Audrey Harelle included. And most of these opinions, like hers in *L'Express Dimanche* 23 August, 2015 are particularly resistant to facts, logic or scientific findings. The prejudices that so many of us hold – especially the more educated amongst us – die hard. And so, like Audrey Harelle, we end up thinking that Mauritian Kreol should not even be a Core subject in primary school. Imagine that! She even propagates the well-nigh eradicated prejudice that languages, including Mauritian Kreol, are linked to community. “*Les Creoles [sic] vont apprendre le kreol et cela ne va guère les aider pour le futur.*” And, in addition to prejudice about a non-existent hierarchy of languages – essentially a colonial vestige – she also seems to have old-fashioned

ideas on what human language actually *is*.

The first important concept for Audrey Harelle and others to be able to get hold of is that language is much more than the old clichéd definition of “*a form of communication*”. This definition applies more to a mobile phone than to human language. Nor is the language we use for “thinking” merely something a State, or Minister Leela-Devi Dookun, can just impose as medium – without causing immense harm to children – nor that parents can just “choose” – as if language were some bit of merchandise in a shop. No, language is just not like that.

Language is, in fact, our uniquely human way of quite naturally “representing in our heads what we capture through our five senses as to what is going on out there in the world, as well as of what is going on in our own emotions and thoughts”.

Language is the evolutionary “tool” through which we *understand* the whole world outside of us, and our whole internal life, our consciousness and our feelings – and it is quite *natural*. Language is our means of *thinking*. And this natural language capacity develops to a high level through formal education, through being used as oral and written medium for studying subjects like science or history or economics. It is our tool for cognition, for rational thought, for deduction, for creating new ideas, for abstract thinking, for computing what we already know with something we hear or read for the first time. And it is a *natural* tool.

The second thing that we all have to grasp is that language only exists because we are “collective” creatures *by nature*. And language *can* exist only through a collectively lived life. Without constant co-operation, there is no language. Though our language-capacity is natural, it emerges only in children as

they grow up in a *human community*, and it develops limpidly and unconsciously, while a child plays with other children, converses endlessly and informally with adults, and then later, more formally in school. The few children brought up either sequestered cruelly by insane parents, or somehow abandoned to be nurtured by animals, have been documented as being *unable* later in life to learn human language *properly*.

The third thing is that there is no hierarchy of human language. All living languages are equal. Some are written, others not at all. Some, like English, have a large written literature, others, like French, a medium-sized one, yet others like Mauritian Kreol a much smaller one, many others none at all. But the languages are all *equally good*. They are what people, in different places, speak *naturally*. No more, no less. Look at the prejudice of Ms. Harelle, “Les Creoles [sic] vont apprendre le kreol et cela ne va guère les aider pour le futur.” So, presumably Ms. Harelle thinks Norwegians should study Norwegian and study content subjects through Norwegian, the Dutch should study Dutch and in the Dutch medium, but Mauritians should study other languages *only*, and should study *through* other languages as medium, even. Otherwise, they will have no future. Dear oh dear!

It was, in fact, Philip Forget, *L'Express* 14 Aug., that first drew our attention to an important study, that the World Bank had drawn his attention to, in turn. It was on Mauritius' very poor rating for “reading *with comprehension*” on a comparative study run by the *Program for International Student Assessment* (PISA) done by the OECD (*Organisation for Economic Co-operation and Development*) on 15-year-olds in 75 countries (half of them OECD, half “partner countries”).

At LPT, we went and looked up the study. Amongst other things, the assessment, in its own terms, evaluates the “cognitive approach that determines how readers engage with a text” ... and “the mental strategies, approaches or purposes that readers use to negotiate their way into, around and between texts. Three broad aspects were measured ... [students ability to]

- “*Access and retrieve* – this aspect focuses on the skills associated with finding and collecting information from texts. About one-quarter of the PISA assessment was made up of *access and retrieve* tasks.

- “*Integrate and interpret* – this aspect involves processing information, sometimes across different parts of a text, to make internal sense of the text. About half of the PISA assessment was made up of *integrate and interpret* tasks.

- “*Reflect and evaluate* – this aspect involves drawing on information, ideas or values external to the text, including evaluation of the text drawing on personal experience or knowledge of the world.

About one-quarter of the PISA assessment was made up of *reflect and evaluate* tasks.”

Mauritius, with its massive educational system including compulsory schooling until 16 years of age, now hovering on track to becoming a high-income country, comes out poorly, only 59th out of the 75 countries compared. Why?

“*The language question, stupid!*” is the short answer – to borrow from Bill Clinton's advisor, who coined the famous “The economy, stupid!” as the Democrat's central campaign slogan – and this should be any Education Minister's central campaign slogan on how to improve the education system.

In order to make a comparison, we looked for all countries in the PISA study with populations

either less than Mauritius or more than Mauritius by not more than 5 times. There are 21 in this category of “small population countries” that do better than Mauritius. What difference is there? It's easy: they almost all teach *in the mother tongue*. (The countries with big populations that do better than Mauritius obviously all have mother tongue medium, too.) See the list below of those countries with relatively small populations that have, in fact, done better than Mauritius. All of them, with two exceptions, *use the mother tongue as medium of instruction*. That is the difference. The only exceptions are Singapore and Trinidad & Tobago, which use English. Here, there is an important difference between these two countries and Mauritius. There, English is at least a living *lingua franca* or vernacular – what people use between communities at the Post Office, on the bus, or during medical consultations – unlike Mauritius, where the *lingua franca* is Mauritian Kreol.

- Costa Rica - 4.9 million population – medium is Spanish
- Croatia – 4 million – medium is Croatian
- Denmark – 5 million – medium is Danish
- Estonia – 1.2 million – medium is Estonian
- Finland – 5 million – medium is Finnish
- Iceland – 300,000 – medium is Icelandic
- Ireland – 5 million – medium is 70% Gaelic in Gaelic-speaking areas, English in the rest..
- Latvia – 2 million – medium is Latvian
- Liechtenstein – 37,000 – medium is German
- Lithuania – 3 million – medium is Lithuanian
- Luxembourg – 500,000 – medium is Letzeburgesch, then German from Form I.
- Macao-China – 575,000 – Cantonese medium.
- Malta – 500,000 – medium is Maltese and English
- Montenegro; 600,000 is Montenegrin
- New Zealand – 5 million – medium is English (home language)
- Norway – 5 million – Norwegian
- Singapore – 5.5 million – medium is English (vernacular English)
- Slovak Republic – 5 million – medium is Slovakian

Slovenia – 2 million – medium is Slovenian

Trinidad and Tobago – 1.3 million – medium is English (note that there the vernacular is English)

Uruguay - 3.4 million – Medium is Spanish

Ms Harelle, blind to the advantages of mother tongue medium for high-level multi-lingual education, says, other languages than the mother tongue are “*beaucoup plus utiles que le kreol qu’on parle deja a la maison.*”

Talking of utility, it would be useful for Ms. Harelle, and the Minister too for that matter, to read the studies that show the harm done to children by the suppression in schools of the mother tongue that they “*parle deja a la maison*”. *The International Hearing on the Harm Done to Children by the Suppression of the Mother Tongue in Schools* held by LPT in 2009 showed in its findings that the harm is *cognitive* as well as *emotional*. In fact, suppressing the mother tongue is extremely harmful. Which is why Mauritian Kreol should become the medium for teaching of mathematics, science, and all content subjects for at least the first 6-8 years of school. English, after being taught as a subject from the first to the fourth year, can be used as medium for teaching Music or Physical Education which are not linguistically demanding subjects in Std 5. Only after 6 to 8 years of studying English, can English be used as a medium. Other European and Oriental languages can be introduced as subjects, of course. And children whose scaffolding in their mother-tongue development is solid and developed to a high level will be able to transfer their linguistic skills quite easily to other languages, and think in any language much better than those hurled too soon into a non-mother-tongue medium.

A.Ah-Vee, AM Joly, L.Collen,
For LPT, 25 August, 2015.

Jabaljas ek Bulbak



Jabaljas: To kone Bulbak, ena enn zafer ki mo pa pe tro konpran ek sityasyon politik.

Bulbak: To pa tusel, Jabaljas. Buku dimunn dan mem konfizyon ki twa. Me dir mwa: ki kiksoz to pa pe tro konpran?

Jabaljas: Abe, Soodhun, li pa dan Guvernman Lalyans Lepep?

Bulbak: Me byen sir, li Minis Lozman ek Later, ek li mem enn Vis Premye Minis.

Jabaljas: Dakor. Aster, Xavier Duval, li osi dan mem Guvernman, non?

Bulbak: Abe wi, li Minis Turism ek anplis li mem veritab Vis Premye Minis. To pa finn truve ki se Xavier ki ti Premye Minis kan SAJ ti an vakans pu 3 semenn.

Jabaljas: Sa mem ki mo pa pe tro konpran: si Soodhun e Duval zot minis ansam dan mem guvernman, abe kifer zot pe lager kuma sat-lisyon?

Bulbak: Zisteman, Jabaljas, seki to bizin konpran se ki kan SAJ pa dan peyi, ek Pravin pa dan Kabine Minis parski li finn kondane par lakur, ek Muvman Liberater inpe pwa plim, alor Xavier ek so PMSD ti pe deklar mari. Alor Soodhun finn bizin tay zot kart.

Jabaljas: Oke, mo pe konpran seki to pe explik mwa. Me mo tuzur pa konpran kifer Soodhun finn sap lor kal kan Xavier ek so PMSD finn apandan bandrol ble pu enn fet relizye.

Bulbak: Sirman Soodhun ena so rezon partikilye e kitfwa personel pu reazir kuma li finn fer. Sa, Jabaljas, to pu bizin dimann Soodhun explik twa sa.

Jabaljas: Dakor, mo ava dimann li sa. Me ena ankor zafer mo pa konpran: kifer Muvman Patetik usi pe atak Xavier lor zafer MTPA servi larzan piblik pu pey ladisyon kan Xavier amenn dimunn manze dan restoran.

Bulbak: Premyerman, se Lejongar depi Muvman Patriotik ki finn denons Xavier, pa Muvman Patetik!

Jabaljas: Abe dan lagazet mo finn truve ki finn apel Ganoo e Lejongar zot parti: Muvman Patetik.

Bulbak: Li vre ki Ganoo ek so lekip, zot inpe patetik: li kler ki zot plan ete, kan, ansam ek Soodhun, zot pe atak PMSD: zot anvi SAJ fu PMSD deor depi guvernman, lerla zot kapav gayn enn ti plas dan guvernman, kuma bann vre patriot.

Jabaljas: Pa pu fasil sa: to pa finn tande Xavier finn resevwar Prezidan Ghana pu enn dine prive dan Gran Gob. Xavier pe pozisyonn limem kuma Misye Lafrik dan nuvo stratezi ekonomik SAJ. Dayer dan so dernye vizit dan Ghana, Xavier ti gayn tit Sef Tribal Onorifik dan rezyon kot tablisman Omnicane pu gayn later pu plant kann.

Bulbak: Aster pa kone ki sann la pu peye pu sa dine prive dan Gran Gob.

Jabaljas: Sirman dine la pu finanse par bann baron sikriye ki pu gayn later dan Ghana pu plant kann.

Bulbak: Mo krwar to pe konpran buku zafer aster, Jabaljas.

Ekrulman Konglomera BAI Kontinye


Leta Moris pe balote depi enn kriz a lot dan kad so tantativ met lord dan lanpir Rawat ki ti bankrut depi 2009 e ki ti sirviv gras-a proteksyon Ramgoolam.

Avek ekulman lanpir BAI, Guvernman pe azir su presyon depi tu direksyon. Deplizanpli, li pe riske al ver servi fon piblik pu vinn sap individi ek lantrepriz ki finn met zot kas. Sa li malgre lasirans Minis Roshi Badhain ki napa pu servi lakes piblik. Me, akoz li ena plis lexperyans, Vishnu Lutchmeenaraidoo, napa inn ekart posibilite (dan emisyon MBCTV an Zin, akote Badhain).

Mem kan Guvernman pa pe re-pey lintere, li finn kan-mem angaz li pu ranburs tu detanter polisi *Super Cash Back Gold* (SCBG), e mem bann ki ena sherz dan *Bramer Assets Management*. Lutchmeenaraidoo dir ki ena enn *pri* pu peye pu evit kriz sosyal. Ena 24,690 detanter polisi BAI ki implik par milye dimunn ki finn desid dan enn fason individyel met zot lamone dan SCBG. Zot pe gayn zot ranbursman kapital apre ekulman grup BAI. Ziska ler plis ki Rs 6 milyar lor enn total Rs19 milyar rupi fini ranburs a 12,000 kliyan, leres finn eselone lor enn peryod 5 an. Lor la ti ena presyon depi, sannkut la, bann detanter ki finn plas zot lamone dan *Bramer Assets Management Limited*. La osi, Guvernman finn pran langazman pu ranburs Rs3.1 milyar par lane, sa pu fer enn total Rs15.5 milyar prosenn 5 an. Li buku. E li enn drol presedan dan sistem sipozeman “kapitalist”, kot u gayn lintere for akoz u pe pran u prop “ris ek peril”.

Konsernan lezot lantrepriz dan BAI la, Leta finn rebran aktivite Bramer Bank ek lasirans BAI pu transform zot an *National Commercial Bank* ek *National Insurance Company* pu gard lanplwa e pu satisfes kliyan ki ti fer konfyans sa 2 institusyon la. Anmemtan, ena presyon ki pe

azute depi anlwaye ki travay dan konglomera ex-BAI ki pe mobilize, avek rezon, pu sekirite danplwa.



Desin Escher

Konsernan Lopital Apollo Bramwell, Guvernman pu rul li, antretan, kuma enn Klinik Prive, savedir ankor fon piblik ki pu alwe pu aste li e mem rul li, ubyin vann li tu-kur, apre.

Konsernan Courts, M. David Issaacs inn dekros kontra dan enn fason ase opak.

E, li etonan ki onivo Iframac, ki finn konverti an enn lantrepriz “otozere”, *New Iframac Motors*, asterla li pe negosye avek enn partner sekter prive, *FleetAfrica*, pu zot amalgame.

Avek tu presyon ki ena lor Guvernman, kestyon ki poze se eski Administrater Spesyal pu resi rekiper seki reste depi lanpir Rawat, dan Moris ek lezot pei, ikonpri larzan ki finn al andeor pei, atraver lantrepriz medya BAI Yukondale, e fini dan pos bann Rawat?

Antretan, enn Administrater Spesyal finn met deor, lot la finn demisyone, lor enn kestyon komye pu pey zot. Sann kutla BDO inn pran travay la.

Tu regleman normal dan sistem kapitalist paret finn mareman fonn. Alor, tu seki pe arive, li plito “etonan” mem.

Lider Lopozisyon Paul Bérenger pe kritik guvernman lor manyer ki li pe zer problem BAI. Li deplor, avek rezon, lefet ki pe andet lepep an antye. (Nu bizin mansyone, ki li kontiyn

gard silans lor dis milyon rupi donasyon ki Dawood Rawat finn ofer MMM dernye eleksyon. Eski finn tus sek la ubyin non? Li refiz dir.)

Kestyon poze osi lor ki kantite resurs Guvernman pu bizin mete kan Dawood Rawat pe purswiv Leta Moris pu dedomazman Rs35 milyar pu expropriasyon so propriete prive. Antretan, Dawood Rawat pe kasyet dan Pari an tut inpinite deryer so nasyonalite Franse e so dekorasyon Chevalier de la Legion d’Honneur.

Anfet, amizir paret pe rezud enn problem, enn lot lev latet.

Par exanp, sityasyon byin grav pu New Iframac otozere, parski tu so mark loto fini rafle par diferan konpetiter konsesyoner loto. Travayer laba an gran insekirite, e pe met lespwar dan sa amalgame.

Asterla, kan ena nuvo Administrater Spesyal, li pe sibir kritik akoz konfli dintere.

Dayer, telman sistem kapitalist pa pe fonksyone, mem so sindika (ki so ladireksyon form parti “leta” dan so sans larz) li osi pa pe fonksyone. Kan Ivor Tan Yan, swa Ashok Subron, swa Reeaz Chuttoo “reprazant” sa bann travayer la, zot azir kuma “negosyater”, me sanki li kler si sa bann travayer la manb dan sindika. Sa, a-son-tur, permet bann Minis ek patron swazir ar ki sindikalis zot ule gayn zafer.

LALIT pa dakor ki lamas dimunn sarye fardo solisyon Guvernman pu sovgard grogro investisman prive bann individi ris ek konpayni prive? Kan sistem kapitalist al fayit, li bizin vinn kler pu tu dimunn ki pe arive. Klerman Guvernman pe azir “ka par ka”, e san enn konpreansyon dosye an antye.

Kanpayn Persistan lor Letan ki LALIT inn Amene Kumans Pran Partu

Manb LALIT finn realize ki li enn moman kle:
 Bizin tir enn liv lor Kestyon Ladrog
 pu met ansam tu analiz ek pozisyon nu parti,
 pu nuvo manb ek pu lorganizasyon ki okip dimunn dan problem ladrog.
 Nu finn tir enn liv 40 paz. Ladan ena pozisyon LALIT 1980-2015.
 Piblikasyon la finn tom byin
 parski ti ena 2 deba diferan, anmemtan:
 Minis Gayan finn met frin ar tretman Metadonn, enn kote,
 e Prezidan Republik inn dir bizin etidye gandya syantifikman, lot kote.
 Si u anvi gayn kopi, kontakte enn manb LALIT.

Dan kad resan, LALIT finn pran pozisyon pu kritik politik iresponsab Minis Lasante Gayan, e nu finn pran pozisyon pu dekriminaliz gandya, e pu ranplas kontrol par Leta ek lapolis par kontrol sosyal milener.

Minis Gayan iresponsab

LALIT denons Minis Lasante Anil Gayan pu so deklarasyon iresponsab, kan li anonse ki li *kont* kontinyasyon tretman Metadonn pu dimunn ki ena enn dependans lor ladrog derive lopyom.

Dan enn *Konferans de Pres 24 Ziyet*, Minis finn anonse ki Minister Lasante pa pu pran okenn nuvo dimunn malad ar ladrog dan so program Metadonn. Dan enn premye tan, li pa ti mem anonse ki ete so swadizan “tretman alternativ”. Me, li dir explicitman, e nu sit *Le Mauricien 25 Ziyet*, “*L’Etat ne peut etre un fournisseur de dangerous drugs*”.

Sa kalite deklarasyon li iresponsab.

Dan enn 2yem tan, li finn anonse ki li pu servi enn lot tretman, ki ti oredi introdri akote Metadonn, napa anplas nuvo inskri pu Metadonn.

Tu dimunn eklere rekonet ki dependans fizik lor ladrog, li anfet enn maladi. Tu dimunn kone ki pu sorti ladan u bizin ena enn lavi stab dabor. Metadonn, li permet sa stabilizasyon lavi. Li

permet dimunn sorti dan enn lavi “trase”, kot li pe bizin depans plis larzan par zur ki li kapav tuse atraver travay ordiner.

Si vremen aret pran nuvo dimunn dan Program Metadonn, sa vedir Minis Gayan responsab kareman pu pus dimunn malad dan enn lavi kot zot depann lor kokin lasenn, larseni, etc, e kot zot riske kumans vinn distribiter ladrog zotmem, zis pu kalme zot prop duler atos. Li danzere pu sosyete an-antye, si enn Minis antete dan enn tel pozisyon pinitif, e pa sutenir enn kuran panse pli “*caring*”. Dayer, sa kuran panse pli “*caring*” pe vinn deplizanpli for.

Pa zis asterla ki buku dimunn Moris pe gradyelman vinn pli eklere lor size tretman adiksyon ladrog. Depi LALIT kumans kanpayn pu enn politik eklere lor problem abi sibstans an 1982, vini-mem, buku lezot lorganizasyon finn sanz zot pozisyon, zot osi, e finn kumans opoz sa reflex pu ena rekur a represyon kuma swadizan “solisyon”, kan represyon anfet kree problem adisyonel, suvan problem pli grav ankor ki problem orizinal, san ki li adres problem ladrog limem.

Depi lane 2006, LALIT ek lezot lorganizasyon kuma PILS, Justice et Paix, Muvman Liberasyon Fam, Collectif Arc-en-ciel, JUSTICE, Mouvement pour le Progres de Roche Bois, ELAN, finn siyn enn *Charter on*

Aids and Rational Policies on Drug Addiction. Ladan nu finn pran pozisyon anfafer Program Metadonn pu dimunn, ki fini malad ar ladrog, gayn tretman.

Pozisyon Minis Gayan montre ki li pena okenn santiman pu dimunn malad ar ladrog. Purtan li ansarz enn Minister ki sipoze sweyn dimunn, pa pini dimunn.

E, so deklarasyon li pa sel siyn ki nuvo *Gouvernman Lepep* li lor rebor kree problem byin grav pu enn sosyete Moris deza dan enn seri kriz ekonomik ek sosyal extremen grav: Nu remarke ki nuvo Governman finn met dibut enn Komisyon Danket avek enn tit byin restriktiv: “*Trafik Ladrog*”. Li ti pu pli normal pu met enn tit kuma “*Problem Ladrog dan so Lansanb*”. Reflex represiv sa Governman la, li deza vizib dan tit ki li finn swazir, osi byin ki dan sa long lalist *Terms of Reference* ki, zot preske tu, al dan direksyon plis represyon, plis pinisyon. E partu dan lemond, si ena enn lesan ki dimunn finn aprann se pinisyon ek represyon, li agrav problem ladrog, e li kree buku nuvo problem ki pa ti existe dan sosyete avan sa pinisyon ubyin represyon la.

Dekriminaliz Cannibis

Anmemtan deba finn osi vinn lor kestyon ilegalite gandya. LALIT depi lontan pe averti lor danze ki represyon polisyer ena: li fors dimunn, sirtu zenn, rant dan kontak avek enn mafya ki osi komersyaliz ladrog extremen

adiktif.

Zordi buku dimunn pe dakor ki kontrol sosyal lor ladrog rekreatif (kuma lalkol ek sigaret), li mars pli byin ki kontrol par lapolis. Dan Moris, kuma Lindsey Collen ti mansyone dan enn Program lor Radio One, cannabis li servi pu rekreasyon e osi dan plizir diferan kad relizye, kuma bhang, par exanp. Alor, li pli efikas, pu fye lor kontrol sosyal, kuma fer pu lalkol. Ena dimunn, par exanp, ki bwar lalkol selman pandan enn repa, dan form divin. Ena zame bwar avan soley kuse. Plis ena reglemantasyon lor reklam ek lor lavant ek miner.

Rajni Lallah, lor enn Program Radyo Top FM ti koz lor lefet ki avan bann lane 1920, gandya ti parfetman legal dan Moris. Ti ena labutik avek enn laysenns spesyal pu vann enn sertin gramaz spesifye ar dimunn.

Enn duzenn manb LALIT finn inplike dan enn kanpayn distribisyon opred bann ONG dan domenn ladrog. Nu finn distribye plis ki 200 parmi travayer sosyal dan sa domenn la.

Get lor web pu kopi Charter pu Politik Rasyonel
lor Adiksyon Ladrog web:
<http://www.lalitmauritus.org/modules/documents/files/LalitMauritius-38af86134b65d0f10fe33d30dd76442e.pdf>



Lalit an aksyon

LALIT interpel dirizan Grup Refizye Chagos

Samdi 22 Ut, Ragini Kistnasamy ek Lindsey Collen antan ki manb LALIT ek MLF, finn remet enn let a Olivier Bancoult antan ki dirizan Grup Refizye Chagos pu averti li ek manb so Komite, kont pyez Britanik, sirtu dan sa moman kle kot UK pe negosye bay pu Diego, enn later ki li, ar US, finn kokin. U kapav lir sa let pu expoz “Plan B” UK dan Revi.

Aksyon kont ID Kard

Militan LALIT ek reprezantan organizasyon alye kont kart ID biometrik ti fer enn aksyon konzwin. Nu finn rasanble deor Sant ID kard kot Rezistrar bilding, Port Louis Merkredi 19 Ut. LALIT finn raport Leta avek *Data Protection Commissioner*, Madam Madhub. Sa finn obliz Minis ICT Bhadain anonse an katastrof ki li pe detrir databeys. Get dosye dan Revi. Ena osi Youtube lor sa aksyon-la lor nu websayt ek chanel Youtube.

Kanpayn LALIT otur problem ladrog

LALIT finn pran pozisyon kont Minis Lasante Gayan so deklarasyon iresponsab pu aret tretman nuvo dimunn ar Metadonn apartir lafin Ziyet. Sa li ti zis apre ki guvernman finn anons enn Komisyon danket lor “trafik” ladrog, enn komisyon ki pe get problem trafik e napa veritab problem sosyal ek medikal, ki provoke par ladrog.

“Nuvo Zeografi Ekonomik”

Samdi 8 Ut dan Grand Rivyer, Ram Seegobin ti anim enn sesyon refleksyon ek deba lor “Nuvo Zeografi Ekonomik”. Li finn dekrir gran sanzman dan lekonomi, e kimanyer sa finn afekte lavi dimunn, sirtu dan rezyon riral. Li finn explik lyin ant kriz sosyal ek sa bann gran mitasyon ekonomik-la. Ti ena buku partisipasyon dimunn dan sa sesyon-la. U kapav lir enn transkripsyon diskur la dan

Revi. E deba la li lor nu sayt. Ena osi enn zoli klip youtube lor nu websayt kot kamarad Ram reponn kestyon.

Kozri ek deba lor Linux

Samdi 22 Ut, ti ena enn kozri ek deba lor Linux anime par enn orater invite, Ish Sookun. Sa li 2yem sesyon ki LALIT finn organize lor sa size-la. Li ti enn sesyon byin interesan ek itil. Li ti sirtu lor kimanyer, kolektivman, nu kapav sorti depi depandans lor softwer kontrole par konpayni prive ek monopol, kuma Microsoft ek Apple. Li finn explik historik sa muvman-la osi.

Sesyon lor Kapital Finansye ek Ofshor

Merkredi 12 Ut dan Grand Rivyer, ti ena enn grup detid pu fer oto-ledikasyon ek diskisyon lor kapital finansye ek Ofshor. Sa finn ed nu pu konpran natir sekter ofshor, ek tu sa deba lor DTAA (Trete kont dub taxasyon), sirtu ar Lind.

Kalandriye Militan

Komisyon Ledikasyon

Komisyon Ledikasyon LALIT pe zwenn Dimans le 6 Septam 9:45 am a midi pu analiz Plan 9-yer-skuling e devlop analiz ek propozisyon lor sa kestyon-la. Si u ti pu kontan partisip ladan, fer nu kone.

Sesyon Ledikasyon Politik lor “Leta lor letan”

Merkredi 9 Septam, apartir 5.30 p.m. pu ena sesyon deba lor Leta, fason marxist pu analiz leta, inklir analiz lor leta Travayist ek leta Jugnauth/Bonapartist, inklir nesesite mobilizasyon politik pu ranvers leta burzwa. Li pu anime par Shabeela Kalla ek Lindsey Collen.

Rekonpozisyon burzwazi

Merkredi 23 Septam, apartir 5.30p.m. pu ena enn Sesyon refleksyon lor “Rekonpozisyon burzwazi ek so bann lorganizasyon” dan kad fizyon JEC ek MEF su enn nuvo lorganizasyon. Li pu anime par Rada Kistnasamy.

MITASYON EKONOMIK EK ZEOGRAFIK

Enn Nuvo Zeografi Ekonomik?

Depi 15-20 an, finn ena enn gran kriz sosyal dan landrwa riral Moris.

Personn, apar LALIT, pa pe sey konpran sa nuvo kriz la.

Dan lafami, ena enn vyolans extra-ordiner.

Ram Seegobin, dan enn kozri, ti gete sipa ena enn nuvo zeografi ekonomik ki kapav ede pu explik sa fenomenn rar la.

Saki mo pu dir zordi, Ram Seegobin ti dir dan so diskur, li otur enn size ki pe interes nu dan LALIT depi inpe lane. Me, la, nu pe ule met latet ladan zordi, byin mem, sirtu dan diskisyon ki pu swiv mo papye.

Mitasyon ekonomik

Lobzektif nu Sesyon zordi, se pu konpran inpe plis lefe bann mitasyon ekonomik ek sosyal dan sosyete Moris, sirtu dan dernye 20 a 30 an, me sirtu manyer ki tu sa mitasyon la finn afekte lavil ek lakanpayn diferaman. Nu pu get sa lefe la lor 2 nivo: nivo sosyal ek anterm analiz deklas osi.

Premye konsta: kriz sosyal dan Moris finn agrave sirtu dan rezyon riral. Nivo vyolans ek frekans krim atos finn sirtu afekte bann vilaz. Li pa itil ditu pu get sa fenomenn la an term “kriminalite” ubyen “banditism”, kuma kiksoz ki plis prezans lapolis ubyen lalwa pli sever kapav rezud. Sa li pa zis pa itil, me li osi vinn azut enn eleman represyon a enn sityasyon ki deza ase grav. Pu krwar ki represyon kapav rezud enn kriz sosyal profon, li enn reaksyon dezespwar ek kont-produktif.

Nu dir ki sa kriz sosyal profon, li pa enn kestyon “Law and Order” kuma sey fer nu krwar, sinpleman parski laplipar ditan, sa vyolans la manifeste limem a-linteryer selil fami, ant vwazin: tu ti dezakor byen vit dezenere e debus lor vyolans.

Rasinn enn kriz sosyal profon, li prinsipalman dekul depi enn santiman insekirite: insekirite dan limedya otur lanplwa, landetman, ek lozman, me sirtu insekirite par rapor a lavenir.

Dislokasyon striktirel

Enn kriz sosyal profon li arive kan ena enn *dislokasyon* striktir sosyete, *san ki* ena perspektiv *rekonpozisyon*, e sa nu finn truv li sirtu dan rezyon riral. Bann lavil finn sibir enn lot kalite mitasyon.

Ziska 30 an desela, sosyete riral ti organize otur sa vintenn tablisman e mulin disik: lavi sosyal pa ti organize dapre sezon, me dapre peryod lakup eK antrekup: maryaz, par exanp, laplipar ditan ti fer dan peryod lakup, kan reveni laburer e artizan ti pli ot, kan ena plis dimunn ki gayn travay. Dimunn al tir rasyon sa wikenn kan laburer gayn lapey kinzenn, ti marsan al poste kot biro tablisman zur lapey. Me kan nu dir ki se aktivite otur kann e disik ki ti determinn lorganizasyon sosyal dan vilaz, nu pa ditu pe fer prev “nostalzi”, ni nu pa pe okilte sa laspe feodal ki ti form parti sosyete riral ek so bann dankan, nu pe sirtu dekrir manyer ki sosyete ti organize. Nu pe sirtu sey konpran ki arive kan dan lespas 20 an, 20 mulin vinn 4, kan 50,000 lanplwa vinn 5,000. VRS pu laburer e *Blue Print* pu artizan ki finn perdi zot lanplwa pa ditu sifi pu permet enn tel tranzisyon arive san provok enn dislokasyon sosyal, enn kriz profon ki sirtu liye avek perspektiv lanplwa-dan-lavenir. Sa ansyen sistem travay sezonye ki ti existe avan bann lane '60, aster pe returne.

Enn lot lefe se bann sipermarse ki suvan finn ranplas labutik kot dimunn ti al tir rasyon, zot pa ditu dakor pu donn kredi ziska zur lapey kinzenn.

Si pu lindistri sikriyer, se

santralizasyon ek mekanizasyon ki responsab pu destriksyon masif lanplwa, nu finn osi truv par santenn lizinn tekstil Zonn Frans osi ferme dan lakanpayn, pu azut a sa kriz e insekirite lanplwa. Buku bann ansyen travayer Zonn Frans zordi bizin fer travay part-time anplayed-mezon, san kondisyon travay, san sekirite.

Dislokasyon dan fabrik sosyete

Alor nu truve ki bann sanzman o-nivo ekonomik ki finn afekte lanplwa e sekirite lanplwa dan rezyon riral, finn prodir enn sityasyon ki finn amenn enn dislokasyon fabrik sosyal ki an gran parti responsab pu sa kriz sosyal ki pe prodir enn insekirite profon, e sa responsab pu buku krim vyolan.

Bann mitasyon o-nivo ekonomik e sosyal finn osi prodwir bann sanzman dan lavili: finn ena devlopman bann sant komersyal dan rezyon *riral* kuma Bagatel, Kaskavel, Granbe, Flak, etc. ki finn amenn enn ralantisman aktivite komersyal dan sant sa 5 lavil: buku magazin ek ti komers finn ferme e pe kontiyne ferme. Alor nu finn truv enn deperisman infrastruktitir o-nivo bann lavil: aswar tu lavil vinn kuma enn “lazeng” irbin, kot laplipar dimunn per pu sirkile. Kote abitasyon, finn ena osi enn exod de klas ver lakot, ver morselman de liks, e pli tar sa pu aksantye avek devlopman ek avek sipoze “smart cities”. Anmemtan ki aktivite komersyal, abitan ris finn osi dezert lavil, e byen suvan se sa kategori dimunn ki kapav met presyon pu amelyor infrastruktitir e servis minisipal.

Implikasyon de klas bann mitasyon zeografik

Bann mitasyon ki nu finn dekrir lao pa finn ena zis implikasyon sosyozik: zot finn osi amenn bann gran sanzman dan konpozisyon deklas, dan rapor defors ant bann diferan klas, dan afilyasyon politik, o-nivo zeografik.

Blok Istorik otur kann

Otur lepok lindependans an 1968, ti ena seki nu apel enn “Blok Istorik” ki ti konstitye pu amenn konba politik pu sanzman. Sa blok istorik la ti konstitye sirtu de artizan e laburer, ansam ek ti planter dan lakanpayn, osi byen ki travayer lepor ek travayer transpor dan lavil. Sa Blok Istorik ti su ladireksyon politik Parti Travayis, e ti pe konbat burzwazi istorik ek enn tit-burzwazi irbin, su ladireksyon politik PMSD. Dan konba pu Lindependans, se sirtu bann lafors de-klas e politik dan lakanpayn ki ti dan lavangard. Me pandan bann lane 70, swit a koalasyon Travayis-PMSD, klas travayer irbin e riral, ansam ek enn tit-burzwazi, sirtu irbin, finn konstitye lafors pu sanzman deryer MMM.

Li pa etonan ki pu eleksyon zeneral 1976, kan MMM ti gayn preske 50% syez, lamwatye ladan ti dan sirkonskripsyon riral.

Me dan bann lane '80, finn ena enn afeblisman dan klas travayer organize dan lavil: VRAC finn amenn lisansiman preske lamwatye travayer lepor, proliferasyon bis individyel finn afebli travayer transpor organize dan sindika. Preske 10 an apre se travayer dan lindistri sikriyer dan rezyon riral ki finn sibir sa afeblisman la – avek santralizasyon mulin e mekanizasyon dan karo. Alor nu truve ki mitasyon ekonomik dan peyi finn ena diferan lefe, a diferan lepok, lor lafors klas travayer dan lavil ek dan lakanpayn. Me an zeneral, klas travayer organize dan so lansamb

finn sibir enn afeblisman. Se balans de fors ant klas travayer ek burzwazi ki determinn dan ki direksyon sosyete evolye: klas travayer, depar so konsyans deklas, milit pu progre, tandi ki burzwazi, ki li istorik ubyen deta, li konservater e anfaver stati-ko.

Dan dernye 30 an, bann lafors politik dominan kuma PT, MMM, MSM, finn abandonn lalit kont inegalite sosyal, kont inegalite deklas. Alor kriz sosyal ki dekul depi dislokasyon sosyete ki nu pe viv zordi, depi insekirite, depi somaz, sa kriz la pe aprofondi.

Pa CSR ki pu ede

Se pa par idantifye bann “pos de povrete”, pa par CSR patrona, ki kriz sosyal pu regle. Se sirtu pa par reklam plis represyon lapolis ek lalwa sever.

Pu komanse nu bizin ena enn analiz lor rasinn kriz sosyal, lor manyer kriz la afekte dimunn dan diferan rezyon, lor lyen ki kapav ena ant sipresyon lang maternel dan ledikasyon obligatwar e vyolans parmi zenn etidyan, lor vyolans ki fam sibir dan enn sosyete patriarkal, lor lefe kriz lozman ena dan bagar vyolan a linteryer bann fami.

Konklizyon

An konklizyon, nu kapav dir ki sa kalite kriz sosyal ki nu pe traverse, li selman kapav kumans truv enn rezolisyon apartir enn lalit politik pu egalite, kont linzistis; atraver enn program ekonomik alternativ ki viz pu kree lanplwa, pu amenn devlopman dan diferan rezyon riral e irbin.

Kan Ram Seegobin ti fini prezant sa introdiksyon la, enn deba byin anime finn kontiyn pandan enn ertan, prezide par Alain Ah-Vee.

Anfet, depi syez Prezidans, dan so introdiksyon kan li ti pe swet labyinveni tu dimunn ki finn dedye letan enn Samdi pu partisip dan deba la, Alain Ah-Vee ti explike ki anfet Ram ti

sipoze fer sa kozri la pandan enn Seminar LALIT mwa dernye; me, akoz enn seri kriz ek lezot evennman politik, nu finn bizin ranvway sa analiz pli profon pu zordi. Linportans sa size la se pu ed nu konpran tu sa evennman ekonomik ek politik ase konfi tulezur, atraver partaz ansam “enn kad” dan lekel pu reflesi. Nu pa gayn enn tel kad kan nu lir lagazet, ekut radyo.

Deba kontiyn dan brans LALIT

E natirelman, Ram Seegobin finn dir, nu kapav kontiyn diskite dan Brans – dimunn prezan invite pu kontakte enn manb pu al dan enn reynion Brans – ubyin dan enn Komisyon. Suvan Komisyon LALIT fer sesyon uver. E natirelman, tu dimunn prezan invite pu lir nu REVI LALIT enn fwa 2 mwa, e pu vizit nu websayt regilyerman.

Nu sey fer otan dimunn posib gayn akse a sa kalite refleksyon la.

Nuvo “zeografi ekonomik”, li paret enn tit enpe rar. Sa sanzman drastik dan peyzaz ekonomik an term zeografi, li vizib tutotur nu: gran gran Mall enpe partu dan lakanpayn, ansam avek fermtir otan mulin ek lisansiman otan laburer kann; enn kus ot dan ti-burzwazi finn kit lavil, anmemtan, al ver lakanpayn ek lakot. Avek sa 2-3 obzervasyon depi Cher, ki Sesyon la ti kumanse.

Sa papye la baze lor sesyon uver “Refleksyon ek Deba” ki LALIT ti organize Samdi 8 Ut Gran Rivyer prezide par Alain Ah-Vee, LALIT ti reyni enn zoli grup dimunn interese pu diskite sanzman profon dan sosyete Moris, atraver sa kad anmemtan ekonomik anmemtan zeografik. Li enn fason tutafe nuvo pu get realite Moris zordi.

(Get transkripsyon sa deba ki ti swiv la lor www.lalitmauritius.org)

Ki Lopozisyon pu Emerze?

Apré eleksyon zeneral kot Lalyans Lepep, enn lalyans kolmate dernye ler, finn eli ki lopozisyon anterm klas sosyal pu kapav batir? Ki lopozisyon anterm Parti?

Klas travayer pu gayn difikilte a-kur-term vinn kolonn vertebral “lopozisyon” ki pu oblize leve fas-a nuvo *Guvernman Lepep*. Ala problem ki ena pu sirmonte:

1. *Febles striktirel klas travayer*. Anfet tu sekter ki ti byin organize finn tom an rwinn dan moman aktyel *obzektiv* sistem kapitalist – disik-ek-kann nepli anplway dimunn an-permanans an gran nomb, lepor inn vinn enn sekter birokratik avek enn gran eleman ala-zonn-frans, transpor su menas striktirel – one-operator-bus, bis individyel, minibis, plis loto, etc – e mem zonn frans, ki ti mwins organize, finn raptise depi plis ki 100,000 anplwa ziska 54,000 par la an Mars 2013; pre lamwatye travayer (44%) travay pu tit-antrepener; buku travay lor kontra; zis 31% travayer travay pu sekter piblik.

2. *Febles ideolojik klas travayer*.

a) Anfet ladireksyon sindikal an-antye (Sadien, Gopee, Im-rith, Subron, Bizlall-Tan-Yan, Seegum, mem Jane ek Reez) angluti dan *lozik* birokratik. Zordi lalwa travay al ziska *kree* lider ki Leta ek Patron rekonet, me ki *pa lor sayt*, setadir “negosyater”. Zordi ladireksyon tu federasyon/sindika zot prizonye bann “zwe” ar Leta ek patron: parfwa pirman birokratik, parfwa plito populist.

b) Anmemtan, ladireksyon sindika truv so rol kuma “intermedyer” ant travayer ek patron dan prosesis determinn saler presi, setadir pu ede pu tom dakor e lera *inpoz* komye rupi an-esanz pu komye ertan kuraz travay. Sa rol la vadir negosyater, pu so lexisans kuma negosyater, li ena enn lintere pu tini sistem kapitalist anplas. San patron, pena negosyater. Tanki travayer swiv deryer enn tel lidere, pa devlop so prop lafors lor sayt, sa prodir enn febles ideolojik.



c) Sa tandans la finn agrave, tu dernyeman, avek enn nuvo zafer kot negosyater (dan preske tu federasyon) truv li normal pu reprezant enn “mini-lamas” travayer *ki pa mem dan sindika*. Sa nuvo deriv la donn Leta ek Patrona leswa ar kisannla zot negosye. Li osi akord Leta ek Patrona buku posibilite pu kree dispit ant diferan sindikalist – ki dayer det pa difisil, parski zot lager sat-lisyin pu zot teritwar.

d) Anmemtan, tu bann sindika striktire kuma enn yerarsi patriarkal, avek sef lao, lera su-sef anba la. E sef la kontrol enn espes “dibyin”, setadir so lorganizasyon. Alor, Bizlall kapav anonse kumsi-ryin-ete ki li ena 2 zeritye, an-okirans Subron ek Reez; Tan Yan anonse ki li-mem li “relev” Jack Bizlall dan FPU! Sa enn siyn ki demokrasi sindikal finn ranplase par enn *yerarsi patriarkal*.

e) Tandans pirman populist finn ogmante, revinn inpe kuma Gaetan Duval ek so Sindika Popiler, kot enn lider manipil labaz ase pu li kapav met presyon politik lor patrona/guvernman, ubyin zwe patrona kont guvernman, ek vis-versa. Sa ti seki Gaetan Duval ti fer.

Antretan, debandad ek frod dan *Vacoas Multipurpose Co-operative Society*, donn enn lide degre birokratizasyon dan muvman koperativ, osi. Anfet, li enn muvman ki finn dezenere, dan tu so sans.

Buku ONG, ki finn ranplas veritab “lasosyasyon” demokratik, zot kontrole totalman par

CSR ki patron akord bann ki sumet.

Tusala vadir li pa fasil, avek enn tel ladireksyon, pu klas travayer kree enn lopozisyon programatik a nuvo Guvernman, ni a reyn patron. Alor, ena enn gran linportans batir enn nuvo lidere, alabaz, pu klas travayer.

Kalite lidere ki LALIT propoze

E kumsa ki nu finn gayn sa nuvo formil pu dekrir manyer ki LALIT truv lidere numem: *LALIT* li viz pu vinn enn Parti ki konstitye par bann *lider alabaz* – dan zot sayt ek dan zot kartye. Pu fer sa, *LALIT*, nu ena enn program anti-kapitalist, pro-travayer, sosyalist mem. Purllemoman, klas travayer pankor dan enn pozisyon pu ralye deryer nu program. Me, mem si kote sindika ek kote koperativ pena buku lespwar purllemoman, anterm politik ena *LALIT*. (Li interesan note ki *Les Verts*, dan eleksyon zeneral, zot osi, zot ti ena enn program anfaver travayer. E zot finn anfet marzinalize elektoralman, kuma zame avan.)

Lespwar kot pu sorti?

Ki kote lespwar sorti pu klas travayer vinn sa Lopozisyon ki neser a nuvo Guvernman Lepep? Ena enn-de siyn kimanyer li kapav arive byin vit. Kan travayer Courts, Apollo ek Iframac ti pe koz lor radyo ek dan manifestasyon, ena ti pe koz “nasyonalizasyon” uvertman, lezot ti pe koz “kontrol uvriye”. Sa, li enn sanzman. Dan sa kalite sekter la, zame pa ti pu tann sa kalite lide la. Dan dernye Lasanble Zeneral *Vacoas Multipurpose Co-operative Society* dan Horl Cape Town, ti ena enn sulevman manb kont zot ansyin Ladireksyon ek

kont ofisye Leta, e zot finn dir zot-mem zot kapav re-met zot sosyete an-ord. Sa osi, li kiksoz nuvo.

Me, pu return lor kestyon, ki klas pe e pu leve kont nuvo *Rezim Lepep*.

Eski enn lot klas, par exanp, “burzwazi deta versyon Travayist” (but ki ti vizib, antuka) ki ti klas opuvwar ziska Desam 2014, kapav re-lev latet. Pa tutswit. Li KO, e li pa ditu dan enn pozisyon pu chalennj nuvo Guvernman *Lalyans Lepep*. Ena buku dan sa “nexus” burzwazi deta la ki kareman dan kolimater CCID, ICAC ubyin mem Interpol. Navin Ramgoolam limem, lafamiy Rawat, antrepener Bhunjun, Mme Soornack, etc ek Minis kuma Baichoo ek Jeetah. Ena kuma Gooljaury, ki klerman pe garde kuma “temwin Leta” dan ka kont Ramgoolam.

Alor, kestyon poze, ki klas sosyal ki pu lev latet dan Lopoziyon? Klas travayer forse-forse pe reysi azir dan enn sekter alafwa, anform *reaksyon* – kan li su atak grav dan *enn sekter*. Pa plis, ziska ler. Pena okenn siyn enn program politik pro-travayer pe emerze.

Kot Lopoziyon pu Leve, anterm Klas Sosyal?

Repons purlemoman, se bann seksyon *tit-burzwazi* ki pe anfet mobilize, mem si la osi, li lor enn baz plito sektoryel. Me, li pli koeran, e li ena lapwi lapres. Me, kuma tu mobilizasyon tit-burzwazi dan enn lepok kan kapitalis tuzur for, li pa vo gran soz. Me, anu get li, tuzur.

Ar zafer BAI, tit-burzwazi an detres

Dabor, avek “zafer BAI” ek answit avek “zafer DPP”, li kler ki ena enn tit-burzwazi ki byin “azisan”, azite, mem mobilize.

Kote BAI, ena eparnyan (kuma 25,000 *Super Cash Back Gold*), ena 130,000 dimunn avek so polisi lasirans BAI, ena 10,000 investiser dan Bonds BAI, ena kad kol blan ki riske lor pave;

anfet tusala finn alye ansam pu mobilize pu zot “drwa”. Li vre ki ena osi mobilizasyon, antan ki klas, parmi travayer Courts, Apollo, Iframac, me li tuzur defansiv – e apar enn-de koze lor kontrol uvriye, li pa finn pran enn form enn mobilizasyon anti-kapitalist. Deryne demars Subron sete pu al get Mercedes, BMW, etc pu sey fer Iframac gard zot “mark” pu distribye, ubyin pu reparasyon.

Zafer DPP

Kote “zafer DPP”, ena avoka par santenn dan Bar Council, mem avoka dan biro DPP ek SLO, ki finn mobilize pu sutenir enn avoka ki ti arete Ladwann avek dokiman so kliyan, Mme. Soornack, e asterla pu sutenir DPP, limem, setadir enn seksyon Lexekitif, kan DPP su atak depi sa but dan Lexekitif, ki anfet eli, setadir Kabine Minis. (Nu mansyonn sa parski, kan tit-burzwazi mobilize, li pa tuzur mobilize anfavor demokrasi; okontrer, zot pe fye lor dernye ranpar ideoloji burzwa lor “separasyon puvwar” ek “*rule of law*”, pa lor demokrasi.) Sa mobilizasyon avoka paret enn dernye ranpart Parti Travayis dan “Leta” dan so sans Marxist. Zot pa mansyonn represyon kont Me. De Speville, ni kont Me. Teeluckdharry, Ratnah ek Valayden su Parti Travayis. Okontrer, Rama Valayden finn zwenn Parti Travayist.

Plis ena enn siyn ki biznesmenn lokal dan ofshor, setadir ki form parti *klas kapitalist finansye*, pe ankoler avek seki Bhadain ek Lutchmeenaraidoo paret finn negosye lor nuvo *Double Taxation Avoidance Agreement* avek Lind. Alor, sirman zot pe mobilize dan fason invizib – lor menas surnwa, menas pu destabiliz stok exchennj, par exanp – ki nu pa tro okuran. Me, lapres paret pe sutenir zot, tuzur.

Sa li kote klas sosyal.

Dan lepase, su Travayis, nu kapav dir ki sa *Blok Istorik* otur kann-ek-disik – gran planter

alatet, lerla ti-planter, tablisman, ek sindika artizan ek laburer – finn reyne. Asterla, sa finn, pu rezon ekonomik ek osi politik, eklate an mil morso dan dernye eleksyon zeneral. Me, seki finn ranplas li, *Lalyans Lepep*, so baz deklas pa kler ditu. Sa fer ki Lopoziyon, li osi li pa kler ditu lor ki li ete. *Lalyans Lepep* pe sey fer enn veritab sanzman dan Leta, san mobilizasyon sifizan, enn espes Revolisyon san program. Lareaksyon pa pu les li.

Asterla, anu get, kote *parti politik*, kisannla pu fer enn veritab lopoziyon a nuvo Guvernman.

Eski ena kit lyin ant sa bann parti lopoziyon la ek sa bann diferan klas sosyal ki pe mobilize la?

Repons se, ziska ler, li pankor kler.

Anterm Parti Politik

Anfet, kan byin gete, bann parti dan Lopoziyon Parلمانter dan enn dezarwa ki depas dezarwa *Lalyans Lepep* ki opuvwar. [Anpasan, nu re-mansyonn seki fini mansyone dan lezot diskur, lefet ki *Lalyans Lepep* li truv li dan enn difikilte grav a-mwayenn-term: li riske *pena* lider. Li pa pu ena kum lider ni SAJ (ki dan laz) ni Pravind Jugnauth (ki riske angluti dan so bann Lapel divan Lakur pu 4-5 an)].

Trwa prinsipal parti dan Lopoziyon Parلمانter, setadir MMM, *Muvman Patriotik Ganoo*, ek Travayist, zot osi, zot ena problem lider.

Parti Ganoo

Anu fini ar parti Ganoo, enn ku, avan.

Ganoo so parti ena enn lider lekotrer karismatik. Me, teknikman li dir li pena lider ditu. Me, antan ki Parti, *Muvman Patriotik* pa kone ki so destin, mem akur-term – Guvernman ubyin Lopoziyon? Li pena program. Li ena *valeurs militants* ek *patrotiques*. Li enn parti ki finn pran nesans pu li vinn enn veyer seke. E li pe vey seke, mem. Li pa reprezant gran soz, apar enn

“balans defors” aritmetik ki kapav itil dan kit moman kle par divan – enpe kuma sa MMSD ki ti kanmem reysi vinn Lemer Curepipe akoz enn *ex-quo* ant 2 lezot parti.

Pu e PT e MMM ena veritab problem lider.

E sa problem lider la, li reflet enn problem pli profon: ni MMM, ni PT, zot na pena okenn program. Zot ena mwins program ki *Lalyans Lepep* ti ena. Alor, zot pa mem kone ki lintere zot reprezante – ni anterm de klas, ni anterm programatik. E zot pa mem santi ki sa li enn mankman. Anu get PT ek MMM enn par enn, apre ki zot lalyans modi (ki so nom pa finn mem futi anrezistre dan memwar kolektif!), finn eklate.

PT

Guvernman sortan, PT, li finn telman tonbe ki li klase, anterm nomb depite dan Parlman kote Lopozisyon, *3yem*. Li *3yem Fors dan Lopozisyon*. Setadir Travayis (4 depite) vinn apre MMM (res 7 depite) ek Muvman Patriotik (avek so 5 ex-MMM, kom depite). Bat sa pu enn defet pu Travayist, guvernman sortan ki ti pe viz 60-0 dan eleksyon zeneral!

Antuka, Travayist ena 4 zokris dan Parlman. Nu apel zot “zokris” parski Shakeel Mohamed, sel depite ki piblik vremen kone, li finn trov nesaser mel li kuma avoka dan problem legal Ramgoolam ek kuma avoka bann Rawat, anplas pran so distans. E lot 3, zot inkoni – enn ladan li koni zis kuma “neve Prayag”.

E mem Travayist finn afebli ziska sa pwin la dan eleksyon zeneral, so kalver ti fek kumanse. Li-mem, setadir Parti Travayis, pe sibir sa “*netwayaz*” ki nuvo Guvernman pe fer. Skandal lor skandal finn expoze pu tu dimunn truve. So la-ont kontiyn grandi.

E Parti Travayis, antan ki parti politik, tuzur ena kuma “lider” sa mem Navin Ramgoolam ki finn vinn enn lake ferblan – enn lake ferblan byin lur e byin tapaze – ki atase ar Travayis.

Ramgoolam pe res “lider”, malgre lefet ki so bann mansonz ek konplo lor zafer metres/Ros Nwar finn vinn piblik; malgre so bann biye labank an-seri (dolar ek rupi) vo Rs200 milyon expoze dan so kofor; malgre kontra Betamax inn piblikman rezilye; malgre komisyon 4% otur permi pu biznes dan Erport expoze; malgre skandal BAI avek proteksyon Ramgoolam expoze; malgre skandal lor aste avyon pu Air Mauritius pe expoze; malgre tu sa la, e ankor ka, li tuzur res lider. Sa enn problem depas grav.



Kan Arvin Boolell, Nimero De Parti Travayis, dir li “step down”, kan li chalennj li, Navin Ramgoolam fu taper lor li. E, Navin Ramgoolam res lider.

Dan kumansman sel sutyin ki Navin Ramgoolam ti ena otur de li (apar Minis kan, zot osi, zot an-tray ek apar taper pu li farus Boolell), ti zis bann klan Moollan ek klan Mohamed, tulde *antan ki lomdelwa*. Ramgoolam so trezorye inn kit li an-plan. So Madam paret viv separe. So metres inn fwir an Itali avan kawnting fini. Dr. Bunwaree ti fini kit bato avan li kule. Bappoo inn retir li deswit apre eleksyon. Varma inn pran so distans, inn mem larg Mme Soornack an-plan kuma avoka. Neeta Deerpalsing finn pran enn konze. E Dalthamun, li, parey kuma buku azan Travayis ki, finn vire.

Me, asterla, Parti Travayis inn elarzi so baz sutyin enpe – enn ti-sutyin depi, enn kote, sa raliman avoka otur DPP (enn Boolell depi klan Boolell, kanmem), ek lot kote, Rama Valayden (ki ena enn grup avoka pros ar li) finn zwenn parti Travayis. Ondire, tit-burzwazi dan sistem legal (sirtu avoka, avwe) ek lapres, pe ralye ansam, e sa donn enn ti-

lafors enn Travayis an debandad total, *kont Minis Lepep+Lapolis*. Me, tuzur san okenn veritab program. PT so Demokratizasyon lekonomi fini diskredite net, pu premye fwa, dan eleksyon zeneral 2014. Travayis pa mem koz so ansyin slogan.

Ki pu ariv Travayis? Kan Rama Valayden finn zwenn eski li posib li, enn zom PMSD, ena enn rol santral? Li paret pa plozi, me etan done nu dan lepok pa plozi, nu bizin tuzur mazinn posibilite ki inplozi vinn vre, osi byin ki seki paret plozi! Ena mem dimunn Travayis ki finn fer apel ki Veena Ramgoolam vinn “*figurehead*”, enn lider ki sof fotey “Lider”, atann Navin Ramgoolam sorti dan so demele avek CCID. Tusala pu dir ki Navin Ramgoolam (ek so baz, si enn reste), li pa’le bann Boolellist pran lidship, parski zot pu asiz zot ladan. Eski li posib bann lezot pretandan, kuma Varma ubyin Dr. Bunwaree, enpe a-la-Collendavelloo pu MMM, propoz zot-mem pu lidship Travayis? Tusala byin farfeli. Me, kuma nu dir, sityasyon la, li osi enpe farfeli.

Me, mem si Parti Travayis dan enn rwinn total, antan ki parti politik, li ena enn lot lafors. Sel lafors ki reste pu Parti Travayis – e li enn gran lafors malerezman – se tu sa bann but “Leta burzwa” dan “Leta Travayist” ki pa eli. Zot tuzur Travayist. Zot tuzur for dan Establishmennt.

Sityasyon pu MMM, li osi, li enn debandad ase total.

MMM

Anfet, seki nu truve pe ariv MMM zordi, li exakteman seki LALIT ti predir an 1981-2: li finn konpletman detrir antan ki enn lafors politik ki kapav amenn kit sanzman pozitif. So “likidasyon” (seki nu ti predir alepok, kan li abandonn so laliyn anti-kapitalist, e abandonn so lalit anti-kominalist) finn akselere dan dernye 18 mwa.

Lopozisyon Parlmanter MMM li finn kontiyn enn proses

dezintegrasyon ki ti kumans ak-selere avan eleksyon zeneral, kan Collendavelloo kite, form ML, kan buku so aktivist ek azan “*Vire mam!*”, e kan so elektora shifte ver PMSD, MSM ek, dan Rozil, ver ML. Parfwa, Collendavelloo, kumsi ryan-ete, parfwa mem avek sutyin Ganoo, fer apel pu re-inifikasyon MMM avek li, Collendavelloo, kuma lider. Ondire Bérenger pa existe. Ondire, Collendavelloo ankor dan MMM! (Me, li pa premye fwa, nu tann koz enn tel zafer inplozib: 3-4 an desela, ti ena enn konplo ki Bérenger paret finn dezwe kot, otur enn Fet Travay, li paret ki Bizlall ek L’Estrac ti pe konplote, mem zot tulde pa dan MMM, pu ranvers liderehip Bérenger dan MMM!

Anfet ena enn problem kan Bérenger res lider. Li finn asir defet an 2005 (kan li ti alye ar MSM), defet an 2010 (kan li ti poze tousel) ek defet an 2014 (kan li ti alye ar Travayis). Ki opsyon li ena reste? Absoliman okenn. Apar li rabat lor Subron ek Bizlall, ki tulde ena enn retorik plito pro-Travayist.

Dayer, Bérenger enn lider ki finn trete pu kanser, ki finn anonse lor radyo ki li ti ena enn problem lalkol, ki finn diskredite buku pandan dernye 36 an, me gravman diskredite apartir so zwe sinik “onn-of” lane dernyer. Alor, li pa dan enn pozisyon lafors. Malgre so bann deklarasyon ki MMM dan enn pozisyon lafors.

E Bérenger finn kontiyn afebli apre so defet elektoral, apartir lefet ki li finn kontiyn blam so defet lor Navin Ramgoolam, lerla li finn perdi 5 lor 12 so depite (zot al form *Muvman Patriotik*), e lerla MMM ankes enn dezyem defet, 120-0, dan 5 lavil, kot sanse li for. Bérenger pa montre okenn rekil, pa fer okenn *mea culpa*, me anfonse mem. Li pa remet ankestyon naryin.

Me selman, asterla li finn vinn kler ki, kan Bérenger pran pozisyon an piblik, li pa pe koz ar piblik, li pa pe koz ar so manb, ni mem so elektora: li pe inikman

koz ar enn prosenn alye – swa Jugnauth, swa Ramgoolam. Samem ki fer li paret pe koz nerport: li pa pe koz ar piblik ditu. Si u krwar li pe koz ar piblik, u pu krwar so latet pa bon. Me, si u realize li pe koz ar enn fitir alye, lerla so bann riz vinn pli kler. (Sa eklersisman vinn depi *Parlman Ebenn*, kot Kisna.) Me, sa deriv personel ki Bérenger pe fer, li enn siyn dezeneresans MMM. MMM nepli enn parti politik apar-antye, me enn fraksyon enn fitir lalyans.



E depi byin lontan, MMM na pena okenn program politik. Ni MMM ni Bérenger pena okenn vizyon pu sosyete. Dan MMM, res zis enn grup “Bérengist” – enn grup ki pe kontiyn raptise – ki viz rant dan kit lalyans pu gayn puvwar, antan ki “zesyoner”. MMM osi res enpe “elektora”, ki kapav vot li, swa abstenir, depandan seki Bérenger fer. Enn parti so elektora, sirtu fami ki ti PMSD avan, finn larg MMM, rezwenn PMSD. Me, si Bérenger retir li kuma lider, lezot (ki li Ajay Gunesh, ki ase feb, Steve Obeegadoo, ki pa tande ditu, Bhagwan ki ti pe dir li ti pu pran retret avan Eleksyon Zeneral) pa fer buku pwa. Petet *lerla* li pu posib sa re-inifikasyon ki Collendavelloo ek parfwa Ganoo reve? Pa tro plozib. Me, petet seki pa plozib oblize arive dan sityasyon politik farfeli kuma nu pe viv asterla. Pli farfeli, me ki kone, eski Emmanuel Bérenger, garson Bérenger, pu nome kuma enn lider MMM, ubyin zann Bérenger, Frederic Curé, ki li osi dan Biro Politik MMM asterla? Enpe kuma ti gayn zeritye Gaetan Duval (Herve, Xavier ek Rama) fer enn nuvo PMSD?

Me, li vre, malgre tusala, Bérenger tuzur Lider Lopozi-syon asterla-mem – mem si par enn brin seve.

Rapel, valer-dizur, si PT ek Ganoo koste ansam, Bérenger perdi Lider Lopozi-syon. E li konn sa.

**Bizlall, Subron,
Ah-Yan, Ensam, Sheila
Bunwaree, Parlman
Popiler,
Dis Moi, Dr Bunwaree,
Dr. Madhewoo**

Kote Bizlall ek Subron, si nu anvi get kot zot pe ale, *dan ki direksyon*, e kot zot pu ale dan lavenir, sa dernye lartik par Alain dan Revi LALIT 119, li donn enn bon lide. Nu konsey tu manb etidye li.

Ni Bizlall ni Subron pena, zot mem, enn lide kler kot zot pe ale. Zot regroupman (eski zot enn parti politik? Sipa enn muvman?) pena program. Bizlall ule enn “muvman larz”, telman larz nerport kisannla kapav ladan. RA ena sertin “*Measures*” kuma li apel zot dan so Panfle elektoral, me pa enn program. Alor kimanyer nu kapav ziz dan ki “*direksyon*” zot pe ale dan lavenir?

Enn fason se pu nu gete kisannla zot rekrite kuma “*relev*”. Sa kapav donn nu enn lide ki lavenir ena divan zot. Kuggan Parapen (RA) ek Ivor Tann Yann (Bizlallist) dir tu: Zot tulde *pa* revolisyoner (Tan Yan dir revolisyon li enn *connerie!*), zot truv sosyalism ek kapitalism konplemanter (Parapen dir sa, e li dir ena seki bon dan tulde sistem, alor fransman nu pa kone kont *ki* exakteman li pe “*reziste*” dan “*Rezistans*” e ki “*alternativ*” li pe propoze si kapitalism deza lamwatye bon); e zot ni agos ni adrwat (Tan Yan dixit). Tulde koz ondire zot kaze dan ran burzwazi “Nu lafors, se nu resurs imin”, par exanp, Tan Yan dir, ondire li proprieter sa “resurs imin” la. Kuggan, li klerman truv so lavenir dan kapital finansye, kot li travay (MCB ek Axis), lot la pe donn 10 an pu lalit politik marse, apre sa li pu get ayer Enn lot zenn *Rezistans*,

Sebastien Sauvage, li ansarz enn proze kiltirel-ekolojik Tamarin dan enn lalyans ansam ar CEO labank MCB, ek bann kapitalist Travayist, Jhubboo!

Dayer, enn dezyem fason pu ziz sa 2 parti la, se lefet ki e Subron e Bizlall, zot azir plito dikote sindikal. Pu zot, zot rol politik li enn “add-on”, pa plis. E zot “baz sindikal”, li kiksoz, dan zot lespwar, ki anfet pa tro diferan, depi enn “depo fix” pu MMM, Travayis, etc, me kote sindikal.

Kote lezot “divers gos”, ena parti Roshni Muneeram ek Gaetan Siew, *Ensam*, kot zot finn anonse ki zot finn sispenn zot lexisans politik, e kot Gaetan Siew inn vinn ansarz *Guvernman Lepep* so bann Smart Cities. Sheila Bunwaree inn depolitize net, e azir kuma individi, ek so parti *Social Justice* inn disparet depi sirfas bul later. Georges Ah-Yan pe kontiyn so bann azitasyon kote laplaz, e pe felisit Minis Raj Dayal pu so rasirans ki laplaz pa pu raptise ar Lotel bann Currimjee. Me okenn sa bann regroupman la pa paret enn lorganizasyon *politik, e sertenman pa enn lorganizasyon ki interese batir sosyalism*.

Par kont, drolman, ena lorganizasyon ki dir ki zot pa parti politik, ki azir kuma parti politik. Anu get 2 ladan:

Ena *Dis-Moi*. Kan Amnesty International (Mauritius) finn ferm so laport, ek Amnesty (so Santral dan Lond) finn anonse ki *zame* pa pu re-uver so laport, anplas piblik gayn enn explikasyon, nu finn gayn

bann ex-Amnesty otur Lindley Couronne zis vinn met dibut enn “*Dis-Moi*”, ki paret ena sutyin Leta (Ramgoolam ek Varma avan, ek asterla li ti pe paret Guvernman Lepep, osi, ziska fek la kan Lindley Couronne finn kritik Minis Bhadain) ek mem COI. E kuma Couronne ti gayn enn paz dan *L’Express* kan li ti Amnesty, Couronne kumans gayn enn paz dan *Le Defi* kuma *Dis-Moi*. E li donn platform Jack Bizlall, Ashok Subron, ek ofer platform manb LALIT (nu refize), pu li paret espes enn lorganizasyon “degos”.

Ena *Parlman Popiler*. An-pasan, li fer sesyon ledikasyon konzwin ar *Dis-Moi*. Li osi, li azir kuma enn Parti Politik. Li pran pozisyon lor isyu ki vre Parlman diskite. E, u pa gayn drwa koz lor nom enn lot lorganizasyon kan u al dan Parlman Popiler. Li reyni selman individi atomize. Bizlall ti anfet fer apel orizinal pu met li dibut, me kan Parlman Popiler inn anplway Catherine Boudet pu anim so bann sesyon, lerla li finn gayn lager ar li, e paret finn retir li. Asterla, Reeaz ek Jane syeze ladan, me antan ki individi, ki normalman manyer enn dirizan enn lorganizasyon demas dekrir so apartenans a enn parti politik!

Alor, travay politik ki ena divan LALIT, e divan tu sosyalist revolisyoner, pu nu mobiliz klas travayer ek lezot klas oprime deryer enn program anti-kapitalist ek enn program pu batir sosyalism, li pli inportan ankor. Plis ki zame, li esansyel.

E, li pa fasil.

AMS ek LC, 21 Ziyet, 2015

Nuvel Rodrig

Zordi nu pe pibliye enn seri “ti-item” nuvel ki nu finn gayne depi sinpatizan Rodrig.

Lenerzi renuvlab

Ena plan pu ogmant prodiksyon lenerzi renuvlab dan Rodrig. Anviron 9% lenerzi ki deza pe prodwir apartir eolyenn ek pano solar, leres li ankor lenerzi fosil. Lot form lenerzi ki kapav devlope dan Rodrig se lenerzi vag, e pu sa proze la ena bann exper Ostralyin ki pe vini.

Zariko ruz

Lor kestyon prodiksyon alimanter, deza Rodrigues Trading and Marketing Co Ltd (RTMC) fini aste 9.9 tonn zariko ruz avek planter. Ladan enn tonn pe avoy Moris atraver Marketing Board isi. Zariko ruz depi Rodrig byin apresye pu so kwison e sa enn tonn ki finn avoy Moris paret pu fini byin vit.

Problem dilo

Konsernan problem permanan pu dilo, ena proze ‘basin ron’, kot bann benefisyer se bann dimunn ki tus mwins ki Rs10,000 par mwa. Bann dimunn gayn valer Rs30,000 materyo ek dalo, e zot bizin ranz de basin ron, 2 met kib sakenn. Pu sa, zot gayn enn mul an fib pu kofraz. Sa bann mezir la par limem li insifizan, bizin ena osi lezot proze ladig pu kapte dilo.

Turism v prodwi alimanter

Guvernman santral pe santre devlopman Rodrig lor lindistri turism e pe met buku resurs dan sa direksyon la, me pa truv li enn priorite pu devlop prodiksyon alimanter.

Seki LALIT dir

Guvernman Santral ek Rezyonal bizin alwe resurs pu elver, planter ek peser pu enn devlopman sutenab dan Rodrig. Enn devlopman ki pu kree lanplwa ek ede dan asir sekirite alimanter dan Rodrig ek Moris.



Atlet kritik organizater

LALIT finn interv्यूe enn atlet ki ti al Ze Dezil. Deza ti ena buku dezast politik otur sa evennman sportif la. Ti ena trikwardaz Lafrans, ki finn permet atlet Mayot servi pavyon franse, malgre ki li kont Sart Ze Dezil. Kan beze finn leve, lerla inn deside pa pu ena okenn pavyon. Me, Komor ti fini fer workawt. Tu so atlet ti al lakaz. Lerla ti ena menas pu Madagascar kite, otur problem ras pavyon Malgas. Sesel ti osi ankoler ar tretman ki Komor inn gayne. Anplis, ti ena tu sort kalite trakasri pu atlet. LALIT finn poz enn-de kestryon lor la, ar enn partisipan.

Li finn dir ki atlet dan Moris pa satisfise ditu ar tretman zot finn sibir pu 'Jeux des Iles'. Zot finn dir ki zame zot ti pu atann enn tel tretman depi La Reunion, enn koloni Lafrans. Zot dir ki kuma desann Airport Roland Garros, zot finn bizin mars plis ki 100 met, sarye tu zot lekipman pu rant dan kar (bis), san trole. Enn fwa ki zot rant dan Vilaz Deze, zot finn etone kondisyon zot eberzman. Pa ti ena ase fasilite twalet ek sal debin, enn zafer esansyel. Pu ti-dezene gramatin sak atlet ti gayn enn dipin, enn kare diber, swa enn yople ubyin enn fri, se tu. Pa kapav pran yople ek fri anmemtan! Pa ti ena fromaz, dizef, sereal, e dite ti bisiklet. Zot dir ki Madagascar pu dernye Ze Dezil ti fer buku pli byin anterm akeyir bann atlet.

Malgre sa tretman la, zot satisfise ar nomb meday ki finn dekrose e sirtu ti ena satisfaksyon apre diskalifikasyon lekip Volley Ball Renyone aköz prezans enn atlet nayonalite Franse!

Bann atlet depi Moris pa dakor usi avek atlet Renyone ki afis paviyon Franse a sak fwa.



“Omaz a Sega Tipik”

Enn evalyasyon selebrasyon “leritaz mondyal”

Tipikman, se enn mizisyin indvidyèl, setadir Menwar, ki finn organiz selebrasyon ki sega tipik finn gayn rekonesans “leritaz mondyal”, e napa Minister Lar ek Kiltir, ki ti bizin organiz li. Menwar finn fer seki li kapav avek kontak ek mwayin ki li ena, e li finn reysi fer li. Li rar e li saliter ki mizisyin pran linisyativ pu organiz enn konser kumsa. Seki li finn truv pli fasil pu fer, se pu kontakte IFM (but kiltirel atase ar lanbasad de Frans) ki ena enn bon sonorizasyon, enn plas aksesib pu dimunn vini, ek enn Komite ki konn organiz sware mizikal fasilman ansam avek santer/mizisyin.

Alor drolman, selebrasyon-la finn finalman fer dan lasal sa Leta ki finn responsab pu kolonizasyon, setadir pu reyne atraver extork travay su kad lesklavaz. E su sa opresyon iltim la, ki anfet esklav finn kree sega – malgre ki kolonizasyon finn fer tu pu tuf sa form leksyasyon mizikal. Sware sega tipik finn fer “ankolaborasyon” avek Sant Mandela ek Minister Lar ek Kiltir!

Sa reflet a ki pwin Minister Lar ek Kiltir ek so institisyon pa anmezir furni minimom sutyin ek infrastrukti nesese pu permet dimunn kuma Menwar organiz evennman artistik ek kiltirel. Purtan ena lasal: Ena Serge Constantin dan Vacoas ek anfiat Pointe Canon dan Mahebourg. Me laba pena teknisyin sono, ni sono pu sa kalite evennman-la. Minister Lar konn organiz sware formel, protokoler, ek selebrasyon relizye, me li pa konn invit dimunn melomann pu enn sware mizikal.

Alor lefet ki finalman selebrasyon-la fer dan IFM ti fer li vinn enn drol sware mizikal.

Sware-la limem

Josiane Cassambo, Daniella Residu ek lezot manb grup Petite

Riviere ti sante, e granmersi ti ena enn gran grup sorti Petite Riviere pu donn kudme depi lasal. Dimunn finn gayn privelez pu re-tann Tangale ek Tialani Tialana. Mimose Furcy depi grup Tambur Chagos ti sant lor trazedi depepleman dan Chagos. Ti ena enn nuvo grup sega osi. E Menwar mem, avek so ravann ti zwe ek sante. Zoli pu ekute. Me selman, li pa ti dan tradisyon sega. Seg, li depann lor partisipasyon tu dimunn prezan pu sant ansam, pu danse, pu tap lame. Tradisyon IFM, ek buku lezot “lasal”, se pu dimunn asize dan nwar ek zis “ekute” pasivman. Dan IFM, ti ena enn-de siyn rebelyon: dimunn ki kumans leve-danse. Dimunn ki tap lame, sante, kriye, sifle. Me lankadremant la pa ti’nn fer pu sa. Alor kuma dan buku konser, li tris pu dir, lokipasyon buku dimunn laba se mem pa pu ekut bann morso kuma enn leksyasyon an limem, me pu filme lor portab pu zot kapav montre zot kamarad sa lelandime.

Mem ki laplipar lavwa ti extra, kote ravann, apart Menwar, pa ti ena siyn gran devlopman. Ravann ti fer enn “fon sonor”, me pa ti ena gran tras teknik ek artistik ki dimunn kuma Fanfan ek sirtu Menwar, Kirty Oclou ek Kerwyn Castel finn devlope. Sa osi ti inpe tris.

Li reflet ankor enn fwa manyer ki “Culture” dominan truv kiltir: enn santer akonpayne par enn latrup anonim ki fer enn fon sonor ki dimunn ekute e lerla aplodi si zot kontan apre sak morso finn fini. Zot pa rekonet kiltir popiler dimunn ki zot finn sey kolonize. Zot mem pa rekonet kiltir klas travayer dan zot prop pei kot sante, zwe linstriman, danse, kriye, tap lame, sifle, li form enn tu, enn evennman sosyal, enn evennman kolektif dan lekel tu dimunn partisipe.

Rajni Lallah

Retablisman relasyon diplomatik USA-Kiba

Finalman sa sanksyon kriyel U.S.A. kont Kiba pe ariv so lafin.

Apré 54 an Leta Zini finn retabli lyin diplomatik avek rezim Kiba. Desizyon Lamerik li pa enn azar ubyin gide par bonn intansyon ladministrasyon Obama. Ki bann faktor ki finn pus Lamerik normaliz so relasyon avek enn rezim ki depi lane 60 zot finn sey tuf so lekonomi e finn politikman ostil?

Sondaz popiler

Premyèman dan Lamerik-mem dimunn ti deza anfaver normaliz lyin ar Kiba ek so lepep. Dapre enn sondaz PEW Research Centre an Ziyet sa lane la, 73% Amerikin dir zot apruv ki retabli lyin diplomatik ar Kiba, 72% anfaver ki lev sanksyon ekonomik kont Kiba. Parmi Demokrat 83% apruv retablisman lyin diplomatik ar Kiba, alor ki parmi Repiblikin li 56%. Ena pre 55% Repiblikin ki sutenir lafin anbargo kont Kiba, alor ki li ti 40% an Zanvye. Mem parmi exile politik Kibin 40% deklare ki zot pu sutenir enn kandida ki anfaver kontiyn politik raprosman avek Kiba ki Obama finn inisyè. Zis 26% afirme ki zot pa pu vot pu enn tel politik.

Kapitalis osi anfaver

Dezyèman, ena seksyon gran kapital dan Lamerik ki deplizanpli anfaver normaliz relasyon ar Kiba, sirtu dan sekter bizness farmasetik, lenerzi ek agro-indistri. Anfet an 2000 Lamerik

ti vot enn lalwa pu exanpte depi anbargo ekonomik exportasyon sartin prodwi agrikol. Depi lera bann konpayni US kuma Archer Daniels Midland, Tyson Foods ek plizir lezot firm finn kumans fer komers ar Kiba.

U.S.A izole

Trwazyèmman, Lamerik pe deplizanpli izole lor so kontinan, dan so bastyon tradisyonel e mem dan so prop rezyon. Depi kinz demye lane finn ena sanzman rezim dan Sid Lamerik kot plizir pei finn baskil dan kan sosyalism. Sa finn izol Lamerik depi seki li ti konsidere kuma so aryerkur. Anplis dan Lenor ti res zis US ek Kanada ki kont lev anbargo lor Kiba, tu lezot pei ti pe adopte enn laliyn pli sup vizavi Kiba. Alor Obama ti bizin akseler bann demars vizavi Kiba pu evit ki li vinn an minorite net dan konferans OEA (ki regrup pei Lenor Lamerik) ki ti fer an desam 2014 dan Panama.

Fayit kanpayn sanksyon US

Lamerik ti inpoz sanksyon total kont Kiba an 1962 su ladministrasyon Prezidan Kennedy. So bi ti anfet pu ranvers guvernman Fidel Castro aköz so politik sosyalis. Inperyalis US pa ti kapav toler prezans enn leta ki adopte enn sistem sosyo-ekonomik ek politik diferan ar pu li, sirtu kan li prekot so lakot. Larme Amerikin ti mem

debark dan Kiba apartir Labe Koson an 1961 pu sey invahir pei la me larme ek lepep Kibin ti repus zot. An 1996 Prezidan Clinton ti promilge lalwa Helms-Burton pu etann anbargo andeor teritwar US e menas purswit ek interdiksyon sezur dan US kont tu responsab firm etranzer u individi ki fer komers ar Kiba. Lalwa la konsern sirtu dibyin ki sitwayin Amerikin ti posede dan Kiba me ki finn nasyonalize par guvernman Fidel Castro apre Revolisyon dan Kiba. Li osi kuver dibyin ki ti apartemir a Kibin ki finn gayn nasyonalite Amerikin.

Malgre tu sanksyon ekonomik, presyon politik ek so pwisans militer inperyalis US pa finn reysi fer lepep Kibin ek so guvernman sumet, kurbe. Dayer Minis Zafer Etranzer Kibin Bruno Rodriguez finn mintenir ki Lamerik bizin restitye a Kiba terin baz Guantanamo ki li pe okipe depi 1903. Li finn deklare ki fode ki Lamerik “anlev blokis total, restitye later Guantanamo ki su lokipasyon ilegal, respekte suverennte Kiba e pey pu domaz imin ek ekonomik ki lepep Kibin finn sibir.” Pu minis Rodriguez sa li esansyel pu enn veritab normalizasyon relasyon US-Kiba.

Krash lor Stok Exchennj Lasinn

Zur apre ki Premye Minis Jugnauth finn anons so nuvo oryantasyon ekonomik, ki tu-zur pe get “kote Lest”, kuma MSM abitye dir dayer, finn ena krash dan Laburs dan Lasinn. Sa finn antrenn bann lefe nefast lor laburs dan Lerop, e mem Leta Zini. Li montre, ankor enn fwa, frazilite sa kalite stratezi ekonomik ki totalman depandan lor kapitalism internasyonal, sirtu dan enn lepok kriz.



Sketch par Ray Harper, enn miral loto dan Kiba

Hommage to the Memory of John Percy, Revolutionary

After a few weeks in hospital following a stroke, John Percy, the legendary Australian revolutionary and brother of Jim Percy, another legendary Australian revolutionary, died.

This short obituary was written for our web-site by Lindsey Collen for LALIT, in memory of John.

Members of LALIT are marking the death in Sydney yesterday, 19 August, 2015 of John Percy, a socialist revolutionary, by launching a series of informal discussions in LALIT about his contribution to the struggle.

John Percy became known personally to LALIT members during his visit to Mauritius as a Guest Speaker at the LALIT International Action Conference on Diego Garcia in 2010. His speech title then five years ago is still spot-on: “*US Imperialism Today – economically weakened, but still politically and militarily deadly*”.

The week that John spent in Mauritius – he and Eva stayed with Ram Seegobin and me in Bambous – gave him time to get to know many members, both formally at the Conference and informally around shared meals, and just chatting.

But before that, in the same year, Rajni Lallah and I had spent a lot of time with John during the week of the 4th International Conference on the coast of Belgium, analysing the state of the world movement for socialism. We discussed things political informally as well as sharing ideas on how to build really democratic revolutionary parties in times of the glorification of woolly mass movements with caudillo leaders.

Before that, in 2009, Cindy Clelie and I attended and addressed the First Congress of the Revolutionary Socialist Party in Sydney, and we stayed with John and Eva.

And, before that, our very first personal contact with John was in March 2005, when Ram attended and spoke at the Asia

Pacific Solidarity Conference organized by the Democratic Socialist Party in Sydney. And it is since then, over 10 years, that LALIT has maintained a close relationship with John and his comrades. He and Ram established it.

Just last year, Rada, in LALIT’s name, participated in the Socialist Alliance Marxism 2014 Conference in Melbourne, spending time again with John.

And there were two particular ways in which John helped LALIT in practice. The first was that he and Eva, when they were here for the Diego Garcia action conference, advised us, especially Kisna Kistnasamy, our member who spearheads our documentation and archives, as to who could help us to conceptualize how to digitize our documentation centre. They linked us up with the person who actually helped us not just with the technicalities, but made us realize the immense value of our *primary sources*, and in particular, of the development of the written Kreol language since Independence, something which is largely within the files of our archives. We had been somewhat blind to the importance of these two aspects of our Archives. We tended to take for granted. It was like an epiphany. And so this advice will have lasting value to us in LALIT, and to everyone who uses our archives in the future, too.

Secondly, John was absolutely fantastic in organizing to send LALIT a massive contribution of classic Marxist texts in response to our call following the 30 March 2013 floods where we lost so many of our books. In fact, amongst the books

were a substantial number from the library legacy of another comrade, Doug Lorimer.

In LALIT, we appreciated John’s dedication to the political struggle, in the face of the onslaught of the corruptible current of “NGO’s” on the one hand and union bureaucracies on the other, and yet, as well as being so thoroughly *political*, he also had very broad interests in things like literature – he and Ram, or he and I could discuss novels for ages together – and in his immense poster collection, and also his ability to sit and watch the sea. He maintained the capacity for being held *in awe*. All this made him both a fine revolutionary and a good person.

LALIT presents condolences to his partner, Eva, and to all the comrades in Socialist Alternatives.

On our website, we have also reproduced a fine article by Allen Myers, who some of us know personally. It shows the strength and humbleness of John, while putting emphasis on his central belief, like ours in LALIT, in the importance of building a revolutionary party, a party that functions democratically. His article is entitled appropriately: John Percy, revolutionary party builder.

The original source for this article is The Red Flag, the Socialist Alternatives’ newspaper: <https://redflag.org.au/article/john-percy-revolutionary-party-builder>